



2

振綺類纂卷之三

松坡圖書館藏

震澤翁天游元稔

廣陵宗 觀雀問 全輯

隱逸類

葺駢梁於巖麓棲孤棟於江源敞西戶以對遠嶺闢東
牕以矚近田遠堤兼陌近流開湍凌阜汎波水往步還
抗北頂以立館殷南峰以啓軒羅曾岬於戶裏列鏡瀾
於牕前因丹霞以頽楣附碧雲以翠椽日月投光於柯
間風露披清於嶺岫瀨排沙以積丘峰倚渚以起阜隱
叢灌而悉晨昏託星宿以知左右石傍林而插巖泉協

澗而下谷淵轉渚而散芳听靡沙而映竹謝靈運山居賦

李衡則橘林千樹石崇則雜果萬株羅牕映戶接雷承

隅開丹房以四照舒翠葉而九衢抽紅英於翠帶銜素

藥於青跗緯東菑之故耜浸北畝之新渠無褰爨於曉

蓐不抱怒於朝蔬素煙晚帶白霧晨縈近循則一巖異

色遠望則百嶺俱青或結榛於巖根或開櫺於木末室

闇為蘿檐捎松栝晚樹開花初英落藥或異林而分丹

青乍因風而雜紅紫沈約郊居賦

陸機則兄弟同居韓康則舅甥不別桐間露落柳下風

來琴號珠柱書名玉杯有棠梨而無館足酸棗而非臺

簷直倚而妨帽戶平行而礙眉坐帳無鶴支牀有龜問

葛洪之藥性訪京房之卜林蓬頭王霸之子椎髻梁鴻

之妻焦麥兩甕寒菜一畦聚空倉而雀噪驚懶婦而蟬

嘶門有通德家承賜書庾信小園賦

酒甕多於步兵黍田廣於彭澤皇甫謚之心事隴畝終

焉仲長統之規模園林幸矣孫登獨坐對稽阮而無言

王霸幽居與妻孥而共去牕臨水石砌遶松篁任物孤

遊遣情直上洞裏窺書巖邊對局髣髴靈蹤依稀仙躅

菊花兩岬松聲一丘葉動猿來花驚鳥去蘭牕左闢南

閣斜臨石當階而虎踞泉映牖而龍吟閱丘壑之新趣

縱江湖之舊心

王勣遊北山賦

閔仲叔之殊見徒避猪肝屈大夫之褊懷浪投魚腹坐

成滌器行將賃春有酒劉伶無妻犢沐倚杖則手放青

鳩脫冠則髮辭斑鹿養牛不乘生雞懶祝灌於陵之藥

圃耕彭澤之黍田憶耽酒之步兵想能詩之都尉先生

則五斗成文君王則七步見志梁伯鸞之牧猪馬仲圭

之墨兔毛公隱身於博徒嚴生攻書於卜肆

皇甫松大隱賦

楊德祖家惟弱柳殷仲文庭只枯槐稻名半夏藥號恒

春神交六位方為賣卜之人歌動五噫竟作賃春之客

布絢綸帽尚足朝昏羽扇貂裘猶堪寒暑地接虎丘門

通鶴市魯仲孫衣止七升之布樂武子食無一卒之田

賤不容憂貧唯可賀籬邊種菊堂後生萱覆井之新桐

乍引臨牕之舊竹猶存花妨過帽柳礙移門夢去而雲

遮絕洞樵歸而水遶孤村豹管閑窺羊岐忘返梁太祖

府充名畫咸得竒蹤王子敬家聚群書率多異本妖能

勝德休占賈誼承塵醉可全真但舞王戎如意姜肱則

惟臥一被江革則還留半瓊清言不屈孫劉詎減於中

軍善講無窮支許那輕於小令

陸龜蒙幽居賦

張公大谷之梨梁侯烏桺之柿周文弱枝之棗房陵朱

仲之李

潘岳閒居賦

離插芳槿門拂長楊園桃春發牕竹夏涼晨露晞而草
馥微風起而樹香謝朓思歸賦

候南山之朝雲擊北堂之明月汜勝九穀之書觀其節
制崔實四人之令奉以周旋晨荷笠策白屋黃冠之伍

夕談穀稼霑體塗足之倫濁酒盈樽高談滿席盧思道勞生論

石潭竹岬松齋藥碗虹泉電射雲木虛吟丘壑夔龍衣

冠巢許張說東山記

此驪慶霄而不紕參龍之轡鳳鳴瑤林而不屈伶倫之

籠貌姑有綽約之廬箕阜有高嘯之宇神棲颺靄之表

形逸巖澤之隅庾亮翟微君贊

戢曜幽壑采真重岬冲情莫亮汗跡示疵范泰高鳳贊

鼓棹滄浪彈冠嶠嶽虞播阮籍銘

千尋危聳憑牖以望奔星百拱高懸倚櫺而觀朝日飛

流界道似天漢之橫波觸石起雲若奇峰之出岫靜臺

觀月經榭迎風嶢嶢高棟育靄修櫳極望山川周觀京

陸景落岬重烟生岫復元帝陶隱居碑

捧釣收綸蘆中鼓柁蘇蘭薪桂竹裏烹茶顏真卿張志和碑

依林構宇傍巖拓架清緩與壺人爭且緹幙與素瀨交

輝高人何點躡屩於鍾阿徵士劉蚪獻書於衡嶽任昉竟陵

狀王行

茂林修竹王右軍山陰之蘭亭流水長堤石季倫河陽
 之梓澤山人對興卽是桃花之源隱士相逢不異菖蒲
 之澗黃精野饌赤石神脂玉案金盤徵石髓於蛟龍之
 窟山樽野酌求玉液於蓬萊之峰溪橫燕尾巘豎龍頭
 鍛野老之真珠挂幽人之明鏡山腰半折溜王烈之香
 膏洞口橫開滴嚴遵之芳乳人高調遠地爽氣清抱玉
 策而登高出瓊林而更遠鳳皇神嶽起烟霞而當軒鸚
 鵡春泉雜風花而滿谷王勃山亭序
 阮籍之見蘇門止聞鸞嘯盧敖之逢若士詎識鳧肩遊
 仙可致無勞郭璞之言招隱成文敢嗣劉安之作揚炯

居詩序

鈿走伊波控隱士飲牛之渚螺排緱嶠對仙人駕鶴之
 峰王桃植砌董杏栽壇帳合蘿高牀平石古飛流界練
 貫幽響於風湍曙景張屏挂清光於露壑春花發盡秋
 雨晴初虛籟調風斜牕印月立松岬而盡日不見王孫
 掃石壁以題詩別招逋客顧雲嵩山舊隱詩序
 韓梅兩福求羊二仲鄭林騰光於馮翊周黨傳芳於太
 原松子爲餐蒲根是服元帝與劉智藏書
 文舉築室冶城之阿次宗植館西山之麓葛洪考槃於
 海岫釋遠肥遯於鍾幽蕭子良與劉此書

道變區中情冲域外追留侯之却粒念韓卿之辭榮

想東都屬懷南嶽

伏挺致徐勉書

棲六翮於荆林望綺雲於青漢辭動情端志交衿曲託

形崇阜息影長林

陶弘景答虞仲書

架學區中飛才甸外不宜掃門覓任復懶彈鋏求通壠

薪井汲樂有餘歡煮朮切松此外何務

前人答趙英才書

蔣詡不窺城市鄭真名動京師名山既鄉內所豐清川

又坐臥可對

沈約答沈麟士書

面修原而帶流水倚郊甸而枕平臯築蝸舍於叢林構

環堵於幽薄近瞻烟霧遠睇風雲藉織草以蔭長松結

幽蘭而援芳桂仰翔禽於百仞俯泳鱗於千尋沽醪牧

羊協潘生之志畜雞種黍應莊叟之言獲菽尋汜氏之

書露葵徵尹君之錄

蕭大園言志書

鏟跡幽蹊銷聲窮谷同夫關尹物色異人譬彼客卿服

膺高士上經說道屢聽玄牝之談中藥養神每稟丹砂

之說

王褒與周處士書

卽石成基憑林起棟蘿生映宇泉流遶階月松風草綠

庭綺合日華雲實傍沼星羅簷下流煙共霄氣而舒卷

園中桃李雜松栢而蔥蒨

祖鴻勳與陽休之書

崆峒之上軒皇問於廣成汾水之陽唐帝從於齧缺桂

樹山幽歲聿其暮桃花源官想見其人李密招徐洪客書
淵明對酒非復禮義能拘叔夜携琴惟以煙霞自適王勣

與杜之松書

康成道重不許太守稱官老萊家居羞與諸侯為友燉

煌孝廉守琴書而不出酒泉太守列鐘鼓而空還結廬

人境植杖山阿林壑地之所豐煙霞性之所適杜之松答王勣

關吏早逢夙表真人之氣少微晚映還彰隱士之星元帝

墨子諸生寒裳求楚魯連隱士高論却秦徐陵

迷山之客遲遙響於巖岬窮海之賓望孤煙於洲嶼前人

渭川千畝之竹更懼持盈洛陽二頃之田常思止足庾信

構休伯之蓬戶狎仲憲之桑樞徒悅水而非智庶因谷

以為愚江總

蘭皋獨嘯輕交委鶴之書芝澗行謠坐辱飛龍之使王勃

臨長水而飲犢不就堯徵臥巨澤而牧羊徒勞漢使松

子排煙焦君臥雪盧照鄰

羅含蘭菊仲蔚蓬蒿見芳草則怨王孫之不歸撫高松

則歎大夫之虛位指巴蜀則民皆譙秀訪臨邛則客有

相如李商隱

無文通半頃之田之元亮數間之屋隘傭蝸舍危託燕

巢春畹將遊則蕙蘭絕逕秋庭欲掃則霜露霏衣焚遊

趙之登毀入秦之屬前

東郭先生將逃濫吹步兵校尉欲泣窮途顧

地有滄洲之趣鳥無城郭之音梁

[Faint bleed-through text from the reverse side of the page]

業術類

銷鋒鏑而俶載南畝戔錢鎛而平秩西成當時出匣揮

獷俗以來資今日在鎔唯良工之所鑄裴度鑄劍戟為農器賦

平秩東作虞書之制俶載南畝周雅垂文既立典於可

傳每陳書而作則耕鑿之利敷帝力於嘉謨稼穡之難

動天心於睿覽柳宗元獻農書狀

獻歲載陽仲春初吉俯察土膏之候仰觀晨正之祥經

始歲功導揚生德三時不害觀玉燭於氤氳九扈孔修

賀生靈於富庶呂溫進農書表

寶農賤貨彩炤周籐去販巡耕光炎漢錄玄司調氣青

祇佇節陳條既柔新穎方秀電爍有期桐萌無遠江淹東耕

競秬獻歲務畝上年命彼倌人稅於東臯羽旗銜蕤雄

戟耀毫呈典緇耦獻禮翠壇前人東耕祝文

仲春之月吉日庚午既差我馬惟蠶之祖編使童男作

以童女温室既調蠶毋入處晞用清明浴用穀兩爰求

柔桑切若細縷起止得時濕燥是候起於絲絲成於翼

翼頌之難周論之罔極楊泉蠶賦

方圓綺錯微妙窮奇輓轡並起織繳俱垂王逸織機賦

立匡郭之制度如城隅之圓方足閑蹈躡手習檻匡屈

伸舒縮浮沉抑揚楊泉前題

久視飛仙長生妙道變六一於金液改三七於銀丸畜

玉字之經研紫書之奧胡麻鹿藿纔救頭痛之疴麥曲

芎藭暫止河魚之腹簡文勸醫文

八彩光眉四瞳麗目日肉月偃之奇龍樓虎踞之美地

靜鎮於城壘天闕運於掌棗劉孝標相經序

蔡澤羈旅王生決疑無勞神筴不問靈龜庾信蔡澤就唐生相贊

玄枵之野鬼方難測朱鳥之舍神道莫知著名聚雪非

關北極之山卦有密雲能擁西郊之氣山陽王氏直解

談玄河東郭生纔能射覆元帝洞林序

龍犀日角帝王之表河目龜文公侯之相掩鏡知其將

刑歷紐顯其鷹錄星虹樞電昭聖德之符夜哭聚雲鬱

興王之瑞劉峻辨命論

雞群見鶴象齒知牛意得神傳筆精形似張九齡宋使君寫真贊

假之筆精實以神遇瞻仰神鋒如窺武庫絕嶺孤松空

波白鷺獨孤及徐公寫真贊

武庫森戟寒山勁松方彈解豸以佐夔龍前人張侍御寫真贊

晴天鶴立秋水龍驤符載杜佑寫真贊

玉氣凝潤鶴情超遼文燭翰苑德茂士標前人司空曙寫真贊

釋道類

雪山忍辱之草天宮陀樹之花四照吐芬五衢異色塔

如仙掌樓疑鳳皇珠生月魄鐘應秋霜牕舒意葉室度

心香簡文相宮寺碑

仙衣梵帶去雁塔而來遊天香鳳笙辭鶴城而下集前人

大愛敬寺碑

清梵夜聞風傳百常之觀寶鈴朝響聲揚千秋之宮雲

聚峰高風清鐘徹元帝飛流寺碑

刻此龍於洞房倒蓮花於綺井月殿朗而相輝雪宮穆

以華壯圓璫旦暉方諸夜朗前人曠野寺碑

空臺四柱隨仙衣而俱颺寶塹三重映瑞園而涵影前

梁安寺碑

龍城媿飾雁塔慚珍日宇奪暉月宮掩麗解髻傳珠抽

衣受寶陸倕天光寺碑

薰爐夜熱遙來海岬之香法鼓早謹非動泗濱之石厠

壁綴珠凌丹霞而結宇雕光鏤彩望紫極而開軒木密

聯綿香泥繚繞翠落陰虬朱填陽鳥江總大莊嚴寺碑

香雨旁注甘露上懸永生寶樹座踊芳蓮邢子才景明寺碑

王舍城之宮闕白玉猶存給孤獨之園林黃金尚在千

香靈樹自起風烟九乳仙鐘獨鳴霜雪銀龕佛影遙承

雁塔之花石壁經文下映龍宮之葉春巘橘柚影入山

堂秋壑芙蓉光浮水殿飛煙湧座龕龕忉利之天香霧

成臺樹樹菩提之果王勃淨慧寺碑

行超常凍思越恒饑三十二相臨玉座以相輝八十四

儀擁金山而圓立山虛梵冷谷靜鐘寒去來均迹前後

俱身前八白鶴寺碑

丹谿漏日碧洞棲煙葉磴三休花巘四密星開緝髮月

湛青牟鳥思山空猿悲峽靜白雲屢斷青溪幾重前人龍懷

寺碑

法王宮殿居花界之城菩薩伽藍住金燈之地戒珠如

月獨潔麒麟之行法寶如山普聞師子之吼張說龍興寺碑

暮布黃金圖擬碧絡雲廓八景雨散四花五香紫府大

息芳馨千燈赤城永懷照灼李邕大相國寺碑

梵響乘虛遠山相答海墨樹筆竹紙花書前人清涼寺碑

岳聳蓮披雲垂蓋偃下歛崛以踊地上亭盈而媚空中

掩掩其靜深旁赫赫以弘敞玉瑱居楹銀黃拂戶重簷

疊於畫拱反宇環其壁璫二尊分座疑對鷲山千佛發

題若觀龍藏岑勛千佛寺多寶塔碑

鵲返雲中住香樓而不下龍蟠天上挂金刹而常飛瓊

龍貂冕下黃道以整襟隱逸高僧入青蓮而叩寂飛錫千福

寺多寶塔院碑

陽燧含影還避日輪甘露入盤足稱天酒昭明謝賜銅造塔露盤啓

因聲成韻卽色開顏望影知易尋響非難倚巖輝林傍

潭鑿井借空傳翠激光發罔謝靈運佛影銘

塵洗玉池神開金葉夢樹旣沉梵花獨反日輪照曜月

面從容毫散珠輝唇開異色空中生樹豈曰難思火內

披蓮未爲多有葉產梵童花開釋子伊尹慚桑伯陽羞

李劉孝儀金像寺無量佛像碑

變海成蘇移山入芥組鉢生芽入青樓而吐曜金牀照

彩出紫殿而相輝纔度蓮河卽處天冠之寺始遊羅衛

便居堅固之林示表金棺現焚檀椁元帝長沙寺河育王像碑

九十六道紀菩提之一門三十三天貫須彌之四頂開

滿月之奇姿韞中天之異相髻銜龍髮頂秀螺文蓮開

青目毫光照於四天花艷丹唇頂彩周於十地張文成實性寺

釋伽像碑

影生千葉花成四柱塔象單留龕童雙舞簡文式佛像銘

八功德水波動青蓮之池七寶香花光映黃金之地李白

金銀泥像贊

優曇發華而金姿誕應娑羅變葉而塔像代興梵王四

鶴徘徊而不去釋帝千馬躑躅而忘歸劉勰石城寺彌勒石像碑

紉針縷彩絡金綴珠象色彰施諸相具足白居易繡像觀音贊

讓金粟之尊未即如來之位晦玉毫之相空留長者之

名弘乞食之理須菩提但覺茫然開宴坐之談舍利佛

不能加報振動世界謂彌勒菩薩下堯率之天照曜虛

空若多寶如來踊耆闍之地拔毛沃海剖芥藏山元黃之瓦

官寺廂摩詰画像碑

近披金縷徹珠頂以凝華傍映水精寫瓊毫而洞色蘇頌

画像銘

積智成明積因成業始出四門終超九劫沈約釋迦文佛銘

貝葉真偈現心相於銀鈎蓮花妙容呈意生於玉指張說

拜燈王於石室乃假馭風禮花首於山龕方資控鶴從
 容滿月照曜青蓮影見須彌香聞忉利如來造福有報
 恩之經菩薩去家有思親之供載聳疏山穿龕架嶺壁
 累經文龕重佛影雕輪月殿刻鏡花堂橫鐫石壁閭鑿
 山梁雷乘法鼓樹積天香庾信佛龕銘
 青蓮皓月爭華蚊蜨之端寶樹天倡競爽鴻毛之際規
 模鹿苑圖寫龍宮群天颺纒眾寶玲瓏雕牕引月鏤網

搖風盧照隣龕贊

兩曜城池五雲樓觀輪王所處純金為設法之堂諸佛
 所遊眾香作經行之地楊炯惠義寺重閣銘

勝幡香蓋延寶宇於金門法鼓天花奉鸞書於象闕高

懸銀榜豈唯天地之宮列署瑤房遠邁神仙之宅李嶠請迎

寺額表

修禪遠俗絕粒長齋姜原所履天步可以為儔河流大

展神足疑其相比妙辯無相深言不生色艷浮檀香踰

薈蔔徐陵雙林寺傳大士碑

銀函東度金疊南翻秦景遙傳竺蘭私記猶得海水之

一珠不下崑山之片玉春園柳路變入禪林蠶月桑津

迴成定水庾信五張寺經藏碑

出俗情微破邪工少二百日斷酒有謝蕭綱十一年長

齋多慙王與或公幹漳濱有時疾疹或謝安海上此日
風波不逢慧遠已飛廬岳之書未見簡栖便制頭陀之
頌庶使鵝殿增輝龍宮發色流傳沙界震動風輪報恩
於蓮目果唇奪美於江毫蔡絹李商隱蓮華經啓

內典

曲辯精靈棲心妙典伏膺空有之說博綜兼忘之書沈約

序

鹿苑金輪弘汲引以濟俗鶴林雙樹顯究竟以開珉王融

答大法頌啓

玄龜夜夢終見取於宋王朱鷺晨飛尚張羅於漢后元帝

放生亭碑

識鏡難清心塵易擁才侔撤燭學謝傳燈淹滯一丘寓

形蓬柳端居千仞託志筠松測四序於風霜候三旬於

眺魄所歎藤鼠易侵樹猿難靜勞想驚頭倦思雞足雖

識謝天池未辨北溟之說而事同泥井慙聞東海之談

黃石匪遙結期明且白駒可繫用永終朝釋慧命酬戴先生書

漢明靈感上夢金人晉武覆修抵招玉像仙人苑裏更

轉法輪長者園中還鋪講席釋真觀與徐陵書

扇玄風於鶴籥振法鼓於龍樓七貴挹其波瀾五師推

其神雋支遁之匹王何寧堪並駕帛祖之方稽阮未足
連衡法琳與慧淨書已上釋部

隨雲濯金漿之汧追霞採建木之實弄珠於淵客之庭
 卷綃手鮫人之室碧巘無霧綠水不風飛軒紉鳳遊駢
 駕鴻窺若士於蒙轂求呂梁於石城從務光於砥柱索
 龍威於洞庭迎九玄於金闕謁三素於玉清陶弘景
小仙賦
 左昆吾之炎景右崦嵫之鄉雲爛七采之炤燿漫五色
 之烟煜暖碧臺之錯落曜金宮之玲瓏幻蓮華於繡闥
 化葡萄於錦屏滌丹光而電燧颺翠氛而杳冥江淹丹
砂可學
賦

旋區嶽立亘海雲舒縈巒巴曲畫壤肺浮乃稱龍伏實

謂金丘陶弘景許長
史舊館壇碑

子晉笙歌馭鳳於天海王喬雲舉控鶴於玄都關西升

妙洛右飛英鳳吹金闕簫歌玉京孔稚珪褚
伯玉碑

東瀛淥水三變成田西嶽靈桃千季未子高巘鬱起帶

青雲而作峰瀑水懸流雜天河而俱灑掩映綠蘿穹窿

紫葢野寂雲興禽繁山響升虹夕棲豐雷朝上書藏玉

柙藥蘊銀筒簡文招
真館碑

雲蓋三層如在帝臺之側桂林八樹非異景山之傍元
帝

青谿山
館碑

海水揚塵數千年而可見天衣拂石幾萬歲而應平不
 死之草猶稱南裔長生之樹尚挺西崑百紀之龜皆登

蓮葉千齡之鶴或舞松枝樵人看博信未始乎淹留仙
客彈琴固不移於俄頃伊川控鶴葉縣乘鳧來去三鳥

賓游二童然香雨上擊磬雲中

徐陵天台山法師碑

崑山平圃銀榜相輝蓬闈仙宮金臺崛起

沈炯林屋館碑

金簡玉字之音瓊笈銀題之旨升玄內教靈寶上清五

老赤書之篇七聖紫文之記故以暉諸篆籀煥彼圖牒

日在丁卯拜東華之青童辰次庚寅虔台山之靜默詎

詳金液之異未悟石函之奇

宇文道道教實花序

同夫關尹物色異人譬彼客卿伏膺高士上經說道屢

聽玄牝之談中藥養神每稟丹砂之說

王褒

淮南桂樹暫得仙家江左桃源終迷故宅

毛敬

秦登碣石事止尋仙漢索瀛洲心非好善

前人

已上道部

神祀類

玄矩司於坎宮漢興北峙黃虵感於通夢秦作西郊周
房殷俎惟有玄澗芳芝玉牒瑤樽止存丹桂清酌翠石

勒文事諧神掌靈龜負字還擬洛書

簡文楚王
神廟碑

北阪祠城流光夜起東嶺叢室其雨晝零金壇玉宇是
象妙之遨遊丹岬翠幄信靈人之響像霓裳虬蓋轉月
車而競前駕象乘螭載靈旗而總集江妃漢女含睇來
趨湘娥洛嬪宣言在側鳴璆撫劒浹席徘徊絳節陳竿
滿堂繁會既醉既飽景福攸同不震不騰神保是格

王祀魯

山神文

爰因顧果遂啓靈祠瓜美邵平且傳舊志李標朱仲亦

茂前經神能感氣蜃泉傳祥鶴堙李商隱古攬神文

報功陰澤展禮玄郊平琮鎮瑞方鼎升庖調歌孤竹縮

酒江茅聲揚鐘鼓器質陶匏列耀秀華凝芳郁荔雲飾

山壘蘭浮沉齊庚信方澤降神歌

厚地間靈方壇崇祀恭祈染盛孝厲休祉牛弘社歌

龍袞以祭鸞刀斯啓發德朱絃升歌丹陛進享染盛堂

斟沉齊降福禳禳來儀濟濟陳叔達廟裸歌

藝倫類

梁生陟嶺孟光是攜蕭史登臺秦女不舍衛人修義夫

妻同行老萊逃名佺儷俱逝許邁妻孫氏

老萊不婚梁鴻難耦王勣

胡伯虎豈敢掩大人之情陳季方何足知家君之德張說

語姬朝之舊族莊武慙顏叙漢代之名門韋平掩耀李商

隱張湯伏辜安世爲漢名相嵇康就戮延祖爲晉忠臣魏徵

郤芮作亂而郤缺登朝嵇康被刑而嵇紹入用徐堅

驗七星於子心認雙環於母臂張說

文伯既達仍加喻軸之言孟軻已賢更益斷機之誨后天

或小於叔夜之男或幼於伯皆之女檢庾信荀娘之啓

常有酸辛詠陶潛通子之詩每嗟漂泊李商隱

迎聖善於炎海展三牲之色養拔友于於荒徼會四鳥

之嚶鳴張說

越敗夫差多會稽納官之子趙推粟腹即長平死事之

孤柳宗元

平與雖盛豈可獨擅二龍扶風最良不得專稱五馬庾信

雖戴逵之弟志尚無聞而何準之兄恩輝已遍温庭筠

何準之兄皆為杞梓戴逵之弟獨守蓬茅前人

叔向豈坐於凶弟展禽見稱於哲兄劉廙不以劉偉獲

辜王導不以王敦廢職蘇頌

遇孔梨之津潤別借齒牙因姜被之包容俯明肝膈張玄

晏

賈氏五虎偉節最怒荀氏八龍慈明無雙楊炯

張家碑碣荆州有七代孝廉荀氏鄉亭潁川有八人才

子前人

姜肱沒齒無因共被之年鍾毓生平非復同車之樂前人

荆枝擢秀棣萼生光何止平輿之二龍是為賈家之三

虎無笑容之美人有拜賓之童隸楊炯

有弟則陸無兄不苟雖禮疎五服而義協一家馬援於兒姪之間一情無異王華在弟兄之列數從猶親李商隱

睦而奉娣郭奕之儔反以為兄魯恭之匹后天

瓊階叠秀積珠構於三龍玉榦驚華擘瑶林於八桂賈駱

王

譽垂邳桂名媿謝蘭雖石苞獨異石崇而山濤不知山

簡李商隱

託阮籍之竹林攀邳詵之桂樹前人

馬游志氣為馬援所知班嗣才學為班彪見賞庾信

祖孫流譽聚潁川之德星鄉邑稱高載平輿之月旦李迥

秀

叔子則九代清德稚春則七葉素儒李商隱

魯三桓之子孫鄭七穆之宗族晉之欒范齊之國高張

氏之七葉貂蟬楊家之四世台褒石奮石慶恭睿重規

胡質胡威清廉叠軌父子儒學桓榮與桓郁相承兄弟

文章陸機與陸雲齊舉李翰

微子紂之元兄族實為重項伯籍之季父戚乃非疎婁

敬之與高祖殊非血胤呂布之於董卓良異天親魏微

闔門受邑寧惟吳漢之子孫舉宗畢侯豈直蕭何之兄

弟降六禮於璇樞指三星於金穴魯大夫之嫁女卿士

送迎張公子之取妻乘輿供帳

李嶠

憫羊曇之未立早託謝家憐康伯之無歸常依劉氏

李商

隱

才非酷似攀宅相而多慙慕切如存臨涓陽而增感

王勃

叔寶之遇武子雖願輸忠正禮之對山公唯憂曠職

李嶠

世族類

顓頊之命始則南正司天重黎之後又以羲和掌曆夏

陽適晉將隨會而同奔東海避秦與毛公而俱隱族夷

興馬書窮獲麟象浦通關龍沙開候五馬南浮三星東

宿

庾信司馬裔碑

西都列國長沙王功被山河東京貴臣大司馬名高炎

漢

前人吳明徹誌

唐朝以元凱並進十有六人周室以昭穆先封十有五

國

前人宇文公碑

七葉佐漢五世相韓忠臣入仕孝友當官青城仙洞黃

石祠壇臺堪走馬書足廻鸞

前人賀婁公碑本姓張

佐治以東都上將魏帝解衣武賢以西國功臣漢王推

轂隴右貴臣河西鼎族公侯踵武岳牧連鑣聲震長榆

名雄高柳

前人普屯威碑本姓辛

華陽之神厲山之祖鳳野匡周龍門佐禹

前人賈說碑

朝鮮箕子之封孤竹伯夷之國保姓受氏初在柳城之

功開國承家始靜遼陽之亂

前人盧公碑

四侯登仕三君從政白狼建功丹蛇襲慶

前人賈氏誌

晉室南遷家聲布於淮海家厚北徙門德勝於河汾

揚

王勃序

山河白馬漢丞相開一代之基譙沛黃龍魏武帝定三

分之業

前人曹君碑

七子賦詩足光賓客三卿從政實靜諸侯駟乘則晉君

停輿來朝則漢后識履居德圃田當官教府置騎賓來

開費學聚

前人鄭氏銘

西京執法則有御史大夫東漢循良則有會稽都尉任

光鄉里之忠厚任隗朝臣之縵直益州從事術數知名

臨海真人清貞克已

前人任君碑

神作銅鈎天開金印

張說張司馬序

青蓋入洛重南國之衣冠白馬朝周盛西雍之賓客

前人

蕭公

大將軍之家去鄭而取衛平原侯之室變國而從甄前

高君

司空領袖吏部清通勢壓八王名高百秩李迥秀 裴君碑

西京時高祖... 碑高君... 司空領袖吏部清通勢壓八王名高百秩... 裴君碑

艷冶類

圖牒帝系卽有內外之親分裂山河仍爲舅甥之國六

義觀德南風有夫人之詩八卦成形東方有少女之位

聲超宋子德茂邢姨金波迴月玉樹臨春庾信

莊姬掩淚楚相知慚定姜問兆齊兵不入從攻月峽贊

德雲門錦濯沅波還臨織室山明石鏡卽對粧樓前

鄴地登高之錦自濯沅波平陽採桑之津躬勞蠶月東

武亭之妻旣稱有秩南誠侯之婦還聞受封前

虔恭內政榮曜中闈承姑奉盟訓子停機桑園蠶績綿

室鸞飛珩璜節步藻火文衣前

蔡中郎之女子早聽色絲謝太傅之閨門先揚麗則三
星照夜佇稽鳴雁之期七日秉秋坐薦飛凰之兆巫山
南眺逢暮雨於瑤姬華嶽西臨降明星於玉女前人

九日登高作銘秋菊三元告始或頌春椒明月照鏡仙

石支機行雲細起迴雪輕飛前人

翩若驚鴻婉若遊龍榮曜秋菊華茂春松穠纖得中修

短合度肩皆削成腰如約素芳澤無加鉛華不御丹唇

外朗皓齒內鮮曹植洛神賦

芳踰散麝色茂開蓮陸離羽珮雜錯花鈿響羅幃而不

進隱明燈而未前中步檐而一息順長廊而迴歸池翻

荷而納影風動竹而吹衣出闈入光含羞隱媚來脫薄

粧去留殘賦霑粧委露理髮清渠落花入領微風動裾

沈約麗人賦

五光徘徊十色陸離實過珊瑚同樹價值瓊草共枝紺

蕙初嫩頰葉始滋不擘蘅帶無倚桂旗笑月出於陳歌

感蔓草於衛詩槿榮任露蓮花勝風笙歌晚右琴舞池

東嗟靈王之心悅怨漢女之情空金波照戶玉露暖天

氣已溫兮曉未半星雖流兮夜何央凌陰凋時冰泉凝

節軒疊厚霜庭澄積雪恥新臺之青樓想上宮之邃閣

帳必藍田之寶席必葡萄之文館圖明月室畫浮雲言

長詩頁集

艷冶

卷之三

必入媚動必應規有光有艷如合如離氣柔色靡神凝

骨奇江淹麗色賦

翡翠簾前悵望三千之女芙蓉帳裏分明二八之人僚

李夫人賦

悵前微笑涉想猶存幄裡餘香從風且歇鏡想分鸞

悲別鶴何遜為衡山侯與婦書

家勝陽臺為歡非夢人慙蕭史相耦成仙輕扇初開欣

看笑靨長眉始畫愁對離粧廣攝金屏莫令愁擁恒開

錦慢速望人歸鏡臺新去應餘落粉薰爐未徙定有餘

烟淚滴芳衾錦花長濕愁隨玉軫琴鶴頻驚錦水丹鱗

素書稀遠玉山青鳥仙使難通綵筆試操香箋遂滿九

重千日詎想倡家單枕一宵便如蕩子當令照影雙來

一鸞羞鏡忽使窺牕獨坐姮娥笑人伏知道為王寬與婦義安主書

高樓懷怨結眉表色長門下泣破粉成痕影裏細腰令

與真類鏡中好面還將畫等簡文答新淪侯書

君居淄右妾家河陽同瓊珮之晨照共金爐之夕香江淹

別賦

吳姬擢歌越女鼓柷詠采菱之清謳奏綠水之繁會韋

青琴碧玉絳樹綠珠西河王豹東野鯨駟舞流風之迴

雪映出水之初蓮元帝

仙人道引尚刻三秋神女將梳猶期七日龍飛劍匣鶴
別琴臺人非新市何處尋家別異邯鄲那應知路鏡中
看影當不含啼欄外將花居然俱笑分杯帳裡却扇牀
前便

河裏飛星雲間墜月窺西家之宋玉恨東舍之王昌李
隱

遊讌類

高談娛心哀箏順耳馳騁北場旅食南館浮甘瓜於清

泉沈朱李於寒水

魏文帝文

高闕雪宮廣開雲殿九醞斯浮百羞並薦

王僧孺

彈伯牙之素琴酌嵇康之綠酒縱橫流水酌酹頽山

昭明

烟霞罩日石澗籠陰聲音百籟響弄千禽離紅之膾芍

藥之美遙同暮雨逼似朝雲

簡文

參差丹桂周流紫房琉璃照戶璧玉開堂秋條下葉春

卉含芳九微夜火百味朝漿

前人

浮雲生野明月入樓瑋璪屢酌鸚鵡驟傾

前人

微風送棹淑景浮波雲舒蓋而未移浪開花而不噴前人

鮮雲靄靄披王安之衣明月團團似班姬之扇日帶花

以如笑風鳴條而若歌傍引絲桐對揚文酒一石之後

逾能斷獄五斗之量猶未解醒徐陵

後園鼓吹通逸響於南隣別業林泉接芳陰於西第許敬

宗

松駕乘閑桂筵追賞芝庭襲譽桂幄凝歡王勃

兩鄉投分林泉可攘袂而遊千里同心烟霞可傳檄而

定前人

停琴綠水仲長統之歡娛置酒青山郭子期之賓客烟

霞為朝夕之資風月得林泉之助前人

數人之內幾度琴樽百年之中少時風月蘭亭有昔時

之會竹林無今日之歡前人

池臺左右覺風雲之助人林麓周迴觀巖泉之入興前人

王子敬瑯琊之名士常懷習氏之園阮嗣宗陳留之俊

人直至山陽之坐東山可望林泉生謝客之文南國多

才江山助屈平之氣前人

脫野客之荷衣入幽人之桂坐前人

接光儀於促席直觀明月升天響辭辭於中筵但覺清

風滿室前人

司馬卿之車騎上客盈門仲長統之園林羣英在席前人

衫襟緩帶擬貯鳴琴衣袖潤裁用安書卷前人

爽籟發而清風生纖歌凝而白雲過前人

此山有月此地無人清露入槩黃雲對酒前人

林亭曠望季倫調妓之園泉石同遊子晉登仙之浦舟

浮葉影簾積花文前人

王羲之之蘭亭五百餘年直至今人之賞石季倫之梓

澤二十四友始得吾徒之遊前人

許玄度之清風朗月時慰相思王逸少之脩竹茂林屢

陪歡宴前人

山陰舊地王逸少之池亭水興新交許玄度之風月前人

王烈登山林泉動色嵇康入座左右生光前人

風閨夕敞攜少女於歌筵月幌宵隴下姮娥於舞席前人

樊家失業遂作庾公之園習氏不遊終成濮陰之地楊炯

太初朗月俯照金鞍叔夜清風來生寶劍前人

砌花舒氣還同載酒之園岸葉低空直汎維舟之浦駱賓

曲浦登漪似對任棠之水茅亭興洽如歸山簡之池秋

水盈襟寒郊滿望前人

嵇叔夜之鳴琴偏依綠水郭子期之春酒本出青山宋

烟間之宮闕九重砌下之亭臯千里

張九齡

開瓊筵以坐花飛羽觴而醉月

李白

盡庾公不淺之興寫仲宣極望之心

李德裕

天高起鶴泉深見龍眇眇風烟流連艸樹金尊玉管芳

樹流鶯

符載

通以虹梁綴以綺樹烟水交浮巖巒疊迴

歐陽詹

潘園板輿之樂陶野巾車之遊

梁肅

青袍若草白髮如霜惜景而持繩欲繫邀歡而秉燭相

催

李商隱

風景類

夏石奇雲秋江迴月

陸景

出月隱山落日映嶼收霞歛色迴颼拂渚

謝靈運

松隱烟而接漢竹緣嶺而負筠哀過鴻於月曉悲夜猿

於秋旻

竟陵王

苔滑臨水石險帶溪

江淹

文檀晚麗采節晨暉春藤絡戶寒菊臨池

簡文

樹含嶺而共青艸帶原而同綠殘霞歛而復舒輕烟斷

而還續

唐太宗

舞蝶遊絲帶清颼而散影分花交柳映碧浪而成文巨

樹干尋結輕烟而聳翠危峰萬仞照落景而開紅前人

徑分餘雪嶺界斜虹霧宿重巒寒生洞壑高宗

曉霧收碧晨霞散丹天后

野日照晴山烟送晚王勃

朔風動而關塞寒明月下而樓臺曙前人

白露下而南亭虛蒼烟生而北林晚前人

鳧雁亂而江湖春梅柳開而庭院晚前人

潦水盡而寒潭清烟光凝而暮山紫虹銷雨霽彩徹雲

衢落霞與孤鶩齊飛秋水共長天一色前人

巖楹左峙俯映玄潭野徑斜開旁連翠渚青蘋布葉亂

芰荷而動秋風朱草垂榮雜芝蘭而涵晚液前人

金壺漏晚銀燭花微北林之烟月無光南浦之星河向

曙駱賓王

寒光將歇春景未華殘雪飄花猶開六出輕冰涵鏡未

解三川前人

參差遠岫斷雲將野鶴俱飛滴瀝空庭竹響共雨聲相

亂前人

春帶餘寒野銜殘雪張說

霜盡川長雲平野濶月臨城曉風送邊秋李嶠

巖收夏雲林散秋色李觀

長奇頊纂

風景

卷之三

堤梁似堰野樹疑春

李翰

圓魄照坐微風入林殘暑盡銷清光交映

權德輿

澹月鳴蛙黯山遠樹

王方

行役類

李叟入秦及關而歎梁生適越登嶽長謠

趙至

卽雲似嶺望水如天日月出乎波中雲霓生於浪裏

袁宏

陟繇岡之迢邈臨窈谷之濬遐激重巖之絕垠拂崇丘

之飛萼陰渠洞出陽澹旁開高澗承崖懸泉屬嶺

應貞

捨陰漠之舊浦去陽景之芳蕤林承風而飄落水鑿月

而含輝發青田之枉渚逗白岍之空亭路威夷而詭狀

山側背而易形漾百里之清潭見千仞之孤石

謝靈運

棧石星飯結荷水宿旅客貧辛波路壯濶塗登千里日

踰十晨嚴霜慘節悲風斷肌東顧三洲之隔西眺九派

之分窺地門之絕景望天際之孤雲帶天有匝橫地無

窮寒蓬夕卷古樹雲平思盡波濤悲滿潭壑左右青靄

表裏紫霄從嶺而上氣盡金光半山以下純為黛色騰

波觸天高浪灌日吞吐百川瀉泄萬壑夕景欲沉曉霧

將合孤雛寒嘯遊鴻遠吟

鮑照

泉流寶蓋遙憶溢城峰別香爐依然廬嶽

前人

發伏鱉之雄氣耀策馬之高星隴樹饒風胡天少色上

月斜臨寒松遙直

簡文

觀濤廣陵面金湯之設險方舟宛委眺玉筍之干宵臨

水登山命儔嘯侶

元帝

山澤曠靄松竹參差若見三巖之峰依然四皓之廟甘

泉鹵薄盡在清文扶風輦路悉陳華簡

徐陵

岡巒紛糾天彭雙闕而作門珠貝浮沉巴水三迴而成

字楊炯

鯨魚噴浪則萬里倒迴鷁首乘雲則八風却走扶桑若

齊鬱島如萍沃白日而歛三山浮蒼天而吞九域黃雀

之風動地黑蜃之氣成雲

王維

稅轅畿路總軸川潛褫魄故嶺結夢舊澤擔簦無白璧

之想負書靡黑貂之悲依稀子陵之釣彷彿滄浪之歌

出入風霞遊息雲露階伺禽飛窗高月度

丘遲

日掩長浦風掃聯葭壘雲凝憤廣木騰華聽奔沸於洲
渚望暎暖乎烟沙依雲邊以知國極鳥道以瞻家

沈約

間別類

日下壁而沉彩月上軒而飛光見紅蘭之受露望青楸
之罹霜巡層楹而空掩撫錦幕以虛涼知離夢之躑躅
意別魂之飛揚閨中風暖陌上草薰日出天而耀景露
下地而騰文鏡朱塵之炤爛襲青氣之烟熅駕鶴上漢
驂鸞騰天暫遊萬里少別千年

江淹別賦

綠字可傳白雲終間

陸景

殺核非餌絲竹豈娛邦壤雖殊離會難測存異山陽之
居没非要離之側

在坊

自林宗遄反玄度言歸以結元禮之心彌益真長之歎

故以臨風望美對月懷賢南臨之水已類呂梁之川北
 眺之山彌同武安之嶺豈復還思淑浦尚想疆臺睽彼
 漢池載懷荒谷常欲登却月之嶺蔭偃蓋之松挹璇玉
 之源解蓮華之劍藩維有限脫屣無由每坐向詔之床
 恒思管寧之榻白雲間之蒼波不極元帝
 未面自親聞風如舊迴駕之念徒軫式廬之禮無階固
 已佇軸深衷傾筐遐路蕭子
 晨看旅雁心起江淮昏望牽牛情馳吳越徐陵
 李陵北去蘇武南旋歸驂欲動別馬將前庾信
 荆卿有寒水之悲蘇武有秋風之別前人

楊朱岐路悲始末之長離蘇武臨河歎平生之永別尹義

尚 別離二國雲雨十年心想河陽言銅雀而無遠神遊漳

水與金鳳而俱飛柳顧言

離鴻朝引別葉秋飛元希聲

仰天文而窺日月雖共光華憑地理以考山川卽殊南
 北王勃

青陽半序明月中宵離亭擁花鳥之芳別館積琴歌之
 思星河漸落烟霧仍開高林靜而霜鳥飛長路曉而征

驂動前人

芳筵交映旁微豹象之胎華饌重開直報蛟龍之髓季
鷹之思吳命駕果為秋風伯鸞之適越登山以求綠水

賓鴻逐暖孤飛萬里之中仙鶴隨雲直去千年之後前

登山臨水長想巨源明月清風每思玄度王子猷之獨

興不覺浮舟嵇叔夜之相思欣然命駕前

先生負局倦城市之塵埃遊子橫琴憶汀洲之柱若夏

仲御之浮舟願乘春水張季鷹之命駕思動秋風源水

桃花時時失路幽山桂樹往往逢人茅君待客自有金

壇王烈迎賓還開石架前

鷄山法衆餞行於素滄之濱麟閣良朋祖送於青門之

外雲中振錫有如鴻鵠之飛水上乘杯更似神仙之別

楊炯

清風動駕謁阮籍於山陽素雪乘舟訪戴逵於江路前

山接太行聳羊腸而飛蓋河通少海疏馬頰以開津登

高切送歸之情臨水感逝川之歎駱賓王

山芳襲吹坐疑蘭室之中水樹含春宛似楓江之上御

溝新溜近入離絃賓館餘花遙催別酒前

曉吹吟桐疑奏別離之曲輕秋入麥似驚搖落之情人前

新豐美酒不換離心函谷重關能搖別恨宋之問

啼鳥送晚遙棲御史之林班馬嘶歸近送舍人之驛前

渚雲欲霽林鳥將春他日清風自當玄度之想茲辰零

雨得無子荆之詩張九齡

移酒灞岸賦詩河梁魂銷暮雲心折秋艸任華

鄭思農之東去絳帷深感吾道謝記室之西辭朱邱戀

切所知海燕辭巢即摧萍影林鳥遶樹忽軫蓬心昔也

來慙賦雪謬稱梁苑之遊今也去類乞師已抱秦庭之

哭羅隱

蔡澤北遊之日銜甌不存陸生南返之年橐裝皆滿感

切違梁情深去魯前人

地名北渚長牽楚客之心水到東吳敢忘湘波之色前人

聲罪類

舉炎火以炳飛蓬覆滄海以沃爍炭陳琳

日烏流灾風禽騁暴天傾西柱地缺東門盛早拆三州

長波涵五嶽徐陵

黑山巨盜憑陵上京白水強胡虔劉中夏前人

帝啟黃樞神亡赤伏朝披羽檄夜照燿烽浴鐵蔽於山

原縱金駭於樓堞前人

北闕龍吟東陵麟鬪擁狼望於黃圖填盧山於赤縣烽

隨星落書逐鳶飛昆陽之戰象走林常山之陣蛇奔穴

胄落魚門兵填馬窟然腹為燈飲頭為器庾信

蜂目已奔狼心遂革前

載籍抱圖已歸丞相之府銜玉繫綬並詣中軍之營前

飛旂咽於九派列艦迷於三川捧海澆熒烈火消凍徐

龍

燕巢衛幕魚遊宋池尚荷王莽之恩仍懷荆贛之祿審

配死於袁氏不如張郃歸曹范增困於項王未若陳平

從漢風沙之民共縛其主彭寵之僕自殺其君李

飛霜匝地蘭蕭銜共盡之悲烈火埋岡玉石抱俱焚之

慘王

入門見嫉蛾眉不肯讓人掩袖工讒狐媚偏能惑主一

杯之土未乾六尺之孤何託駱賓

浮竹遺胤沉木餘苗邑殊禮樂之鄉人習貪殘之性豺

狼有性梟獍難馴亂我天常率九種而背誕負其地險

攜七部以稽誅騷動邊疆寇攘州縣驅雜種以挺妖封

狐千里肆沉黎而作孽雄虺九頭信重蠻貊無負黃龍

之約賞隆漢爵不踰白馬之盟地接冉駝詞屢殫於喻

蜀俗通槃瓠聲不輟於吠堯激流膏而為泉似變葺弘

之血委亂骸而擠壑若沉鼈令之屍澄氛廓稜回夏景

以潰春冰滅跡掃塵扇霜風以捲秋籜前

烏江計逆剖項籍於五侯涿野懲奸磔蚩尤於四宰楊

飈馳神武電掃奸回

蘇頌

飛廉作氣回祿揚燹起沙礫而薄天助茲鼉鼓吹烟火而漲日燎彼鴻毛無假燒鷄之策而觀其自焚不勞燧象之師而撲其餘燼凶渠不逞將竊號而假名逆黨未悛止挺妖而怙亂

李嶠

堯治時雍猶有青丘之梗舜仁天覆未除丹浦之凶始謂狙之作使不虞鷹之易颺豕心莫悛鴟音不革不峻前茅之邊卽成獨柳之誅嶠從處仲適受逆汗遵事隗囂豈爲賊守鼎魚假息穴兔阡危勣獻關東疏封帶礪融全河右紀烈旂常

唐傲

衆輕蟻鬪勇劣怒蛙傷矢當強弩之初孤豚儂肥牛之下事同拾芥力易摧枯秒忽蜂腰虛見辱於齊斧突梯鼠首濫欲寄於旄頭

柳宗元

相鼠無牙安能穿屋羝羊羸角徒欲觸藩

楚令狐及獨孤

負隘海口憑陵江干蟻聚偷安蠶食取給

常袞

必將嘗膽誓使然臍鼓譟白刃來聚犬羊之羣旗靡黃塵旋就鯨鯢之戮

孫逖

蟻聚蛇伏狼顧鴟張據便地之井泉逼懸軍之塹壘恃固之壘遽復於隍將領之渠盡衿其甲以犬羊恃衆之羣當貔虎輕齎之旅

前人

因山據險欲抗雷霆之誅積粟挽芻糗延晷刻之命未

終瘼狗之狂已觸駭鯨之勢邵子

虞不臘矣吳為沼乎白居易

數共工之罪不蔽堯聰辨垣平之詐益彰文德李德裕

眾虺盤結群犬呌牙依據深山出沒險徑獸窮搏人塵

急走險杜牧

風沙之國縛主之卒重生彭寵之家不義之侯更出李商

隱翻勢將翼於連鷄勇鬪尚同於困獸蛙覺井寬蟻言樹

大招延輕險曾微吳國之錢藏匿罪亡又乏江陵之粟

前燕犀密挂冀馬潛羈超距投石者動過一群戟手料頭

者略喻萬計坎三鼓而河流自却聲六校而屋瓦皆飛

自使鴟懼喪林兔忙迷穴無舟掬指有地僵屍遂分袁

紹之頭顱仍裂蚩尤之肩髀前

山東望族幾同屈景之強洛邑頑民常雜萑苻之聚轅

間叛將橫水餘克竊上將之旌旗盜晉陽之大鑰萬里

來袁紹之頭顱二塚葬蚩尤之肩髀權德輿

赤眉卷地黃巾滔天胡曾

雖思嘗膽何補噬臍前

聲罪

長新頁集

卷之三

段珪張讓金貝是親賈謐郭淮腥臊可饜莒客之踵躋
 焦原匹茲非險齊人之手執馬尾方此未危朝露未晞
 小車盈董石之巷夕陽且落皂蓋填閭竇之門噉惡求
 媚舐痔自親鄧通失路一簪之賄無餘梁冀就誅五侯
 之貴將起始則褫魄亡魂若牛兄之遇獸心戰色沮似
 葉公之見龍俄而抵掌揚眉高視濶步華轂生塵來如
 激矢雀羅暫設去等絕絃飴蜜非甘山川未阻盧思道

傷悼類

日月鬱華風雲黯色傷動紫微悲匝璇極帷宮低景輦
 路戲光惻栢門之黯黯泣松帳之茫茫素月夜橫翠烟
 曉結風奇響而駐軒烟異色而低旆怨街邑之彩驂吊
 原野之縞蓋江淹齊太祖誄
 如天落構象日徂暉天后
 奄御雲衣俄飛天鏡晦重雲於卑陌結微霜於穀林樂明

龜
 八頌局和六祈輟滲掩采瑤光收華紫禁帷軒夕改駢
 輅晨遷離宮天邃別殿雲懸晨輶解鳳曉蓋俄金山庭

寢日隧路抽陰謝莊

蘭殿長陰椒塗弛衛遙酸紫蓋眇泣素軒顏延之

玉折何追星顏靡續地尊號嗣外陽之術無徵位比周

儲緱山之駕不返簡文

北海云亡騎傳餘藁東平告盡驛聞留書前人

鶴關晝掩鳧燈夜沉王融

宿艸易滋傷恨不減松檟可拱悲緒無窮任昉

劍匿光芒璧碎符采每念南皮書憶阮瑀行經北館歌

悼子侯劉孝儀

佳城無曙寒野方春元帝

蓬生蔣逕釣罷磻溪檣悲新隴桃餘故蹊風翻嶺背日

下松西前人

山迴素旒水導丹旒頗類陶侃民號燕北取譬羊祜巷

哭荆南前人

悲元瑜之已逝歎靈光之獨存前人

屬上將之韜光逢中台之掩曜青烏拍墓白鶴標墳前

軫熊軾後乘龍輔介士發三河之民哀鏡同駟馬之曲

徐陵

東平拱樹長懷向漢之悲西洛孤墳恒表思鄉之夢前人

山如北邙樹似東平松門石起碑字金生孝水先枯悲

雲卽起信

松檟深沉旣封青石之墓丘陵標榜須勒黃金之碑諸

侯地裂邊將星亡社如齊地廟似桐鄉前

渝川毒水楚道災氛地亡都尉灘悲使君谷寒無日山

空足雲北風吹旒秋霖泣軍泌水同墳平陽合墓慟甚

風枝悲深霜露前

衛青之塚仍陪漢武之陵管仲之墳卽接齊桓之墓南

浦送而行雲東風颺而零雨漢陽郡前非徒武侯之廟

臨淄城下豈獨樂公之社風雲積慘山障連陰陵田野

寂松徑寒深夏嬰之隴僑玄之墓馬見千年車回三步

前

馬援亡於武溪尸柩還於魏里梁鴻死於會計妻子歸

於平陵繁昌祠前卽有黃金之碣德陽墓下猶傳青石

之碑途登石紐路人金城寒關樹直秋塞雲平劔埋合

柱書藏鑿楹雲蓋低臨霓裳紛下碑枕金龜松橫石馬

前

江東八千子弟從項籍而不歸海島五百軍人爲田橫

而俱死嶽裂中台星空上將何處池臺誰家風月灞岸

無封平陵不樹前

上將星開功臣鼎沒地險龜林營危馬窟西州永別北

關長辭山張虛蓋野祭空帷前

上台嶽裂次將星傾懸弓靈幕繫馬寒垆烟凝不動泉

凍無聲前

五將皇亡三台嶽折北郭長悲東都永別山迴虎圈路

上魚陵悲風夜烈苦霧晨凝前

刺史賈逵之碑既生金粟將軍衛青之墓方留石麟前

成都有文翁之祀非謂生前漢陽有諸葛之碑止論身

後溟波欲運弱水將危中峯嶽斷半海鵬垂鳳沈丹穴

龍亡黑陂臨淄廢市東武山移前

李都尉之風霜上蘭山而箭盡陸平原之意氣登河橋

而路窮前

銜珠兩鶴同歸華蓋之松出匣雙龍共沒延平之水山

類鼓樓樹如車蓋河陽古樹金谷殘花前

匣有忠劍庭流孝泉芻靈兩引池柳雙前霜隨柳白月

逐墳圓前

艸銜秋火樹抱春霜書劍俱没人葉並亡孝水未枯悲

松先落室進巢鴛門通吊鶴前

樗里子之墳正臨武庫太史公之墓直對臯門前

西鄂芝枯南陽菊盡相杵輟春鳴機罷織松長風遠地

厚泉寒書埋簡落葉覆絃寬前

東海成田南冠承繫龜山更徙空想吹笛之哀馬角徒

生絕望通波之水露盡朝陽風驚夜燭

江總

三河斥土駟馬開泉北郭人希西山景落

王褒

岱山委岫崐嶽摧峰採茂實於當年標芳流於千載馳

徽謚於山道潤貞氣於泉門

虞義

絕絃軫歎聞笛傷心

陳子良

露團宿艸風響松枝山花開落隴月盈虧

前人

神遊楚國無慚項羽之臣魂往齊都不媿田橫之冢

魏徵

仙娥去月寶婺辭星

王勃

杜當陽之文武蘭菊猶存薛孟嘗之池臺風烟遂歇平

雲匝隴處處秋陰圓魄低開蒼蒼夜色棊前鏡裏孤鸞

別鶴之哀竹死城崩杞婦孀娥之泣城隍一變猶如鄧

艾之名陵谷三遷尚識鍾繇之字

楊炯

痛深吳隱哀極顏丁齊孟嘗之下淚高榭曲池魯司寇

之悲歌頽山壞木藺相如之壯氣歷千載而猶存隨季

子之餘風盡九原而可作秋月如練春雲似羅青鳥丘

隴白馬山河

前人

生則盡養劉殷積粟於七年沒致其哀唐頌絕漿於七

日大夫受梁鴻之命終陪烈士之墳妻子從田豫之言

竟託神人之墓

前人

巫馬期之任力弊起乘星鍾離意之悅人災生解上居人致祭桐鄉有朱邑之祠怪力成文葉縣有王喬之墓

前

觀其弔客不無雙鶴之徵察其成墳自有百鳥之感杜

陵萬家之邑非復城池滕公駟馬之銘不知年代白馬

旒旒青鳥墓田楸桁夾路碑石書年

前

遽瑗之葬不害良田孔丘之塋不生荆棘

前

追題瓦屑鄭康成北海之門重刻碑陰張平子南陽之

墓

前

佳不再荀奉倩之傷神赤子無期潘安仁之慄慄魯

哀公作仲尼之誅天不慙遺蔡伯喈為有道之碑人無

愧色

前

桓魋石椁非合於禮經墨翟桐棺實宜於聖典白楸為

椁爰遵古葬之儀丹漆題封即表永年之記

陳子昂

宣尼既沒子貢為廬鄭生云亡叔然制服

上官義

子春視疾加損徒勤石建執喪悲哀自絕東武公之子

孫共連榮闕南城侯之夫婦同刻碑銘

張說

尚書鼓吹太守虞歌碑流雨跡風引松過

前

封之在斧尚行夫子之規坎不及泉自合延陵之禮

盧虔

比潁川袁氏之臺悲同異日方汝水周公之渡感極當

時豈獨文宣之陵不生刺草更若武侯之隴仍有深松

李商隱

胡香四兩嗟西域之使稀靈艸一枝恨瓊田之路絕孫
子荆之傷逝怨起秋風潘安仁之悼亡悲深長簾雲雨
去來既留連於楚后光陰離合實惆悵於陳王嫠女還
星姮娥歸月空揚凌波更無迴雪西臨水井北望塞門
猶垂雉服尙駕魚軒松悲鶴去艸亂螢生新雲別起舊

月孤明

庾信

銀臺竊藥想奔月以何年金殿煎香思返魂而無日偃
松千古長無寡鶴之悲文梓百尋還見雙鴛之集野曠

風急天寒日昏烟霾杳障霧失遙村紀黃絹之碑表對

青松之墓門

前人

陽泉伏氣陰律沉灰鶴辭吳市鳳去秦臺少女離位夫
人去城帷堂野設帳殿郊營樹樹秋聲山山寒色艸短
逾平松長轉直

前人

山迴反壤先封節婦之陵日入虞淵實掩賢姬之墓月
落珠傷春枯桂折趙栗長辭秦簫永別貞姬掩隧節女
封墳洛濱無月荆臺失雲

前人

山形起伏既符白鶴之祥地勢風烟乃合青鳥之氣室
謝賢夫庭辭貴子席委眠蠶衣留畫雉雲垂下澤日掩

高春空帷舊館虛幕新封山迴廣柳路沒深松前人

徒餐日氣空飲天河星彫玉井月損金波前人

迴帳山門移燈泉洞金棗長含銀蠶永送香填栢榔路

閉松城悲鸞獨影雄劍孤鳴前人

西河女子值九節之菖蒲東海婦人得三山之芝艸前人

陵坡青麥儻逢貞女之墳隴首白楊或表賢姬之墓張說

陽元既沒瞻舊宅而無成康伯不存對玄言而離與楊炯

羊曇是日獨吟零落之篇周翼終身寧亡吐哺之愛蕭穎

上

榮如曹氏京兆開阡貴比霍家祈連象塚韓翃謝擇葬地表

韓馮之妻死哀吟於樹上石崇之妓生效命於樓前蘇頌

智悼在堂已加朝禮滕公居室又荷天慈去病飾終空

陳玄甲孔光送往薄賜黃金前人謝賜葬錢表

敬姜年暮俯矜哭子之哀庾翼才微尚使領兄之衆前人

為田夫人謝賜男葬錢男領節度表

零落丘山變移陵谷玉杯得於民間漆簡傳於世載漢

高留連於無忌宋祖惆悵於子房劉師智修前代墓詔

揭以高昌崇觀表以建城峻廬岌岌岑立崔嵬巒居飛閣干雲浮階乘虛文以朱綠飾以碧丹清風萃而成響

朝日曜而增鮮何晏景福殿賦

脩棟廸以虹指飛薨竦而鳳翔叢楹負極飛檻承欂栌

梧綺錯棗椳鱗攢韋誕前題

或天矯而雲起或詰屈而環縈衆木附枝以連注欒梧

倚亞而相經夏侯惠前題

千櫨赫奕萬栱峻嶒值綠荷而動微風舒丹蓮而制流

火甘泉遠望觀正殿之崢嶸函谷遙看美皇居之佳麗

徐陵太極殿銘

兼山配極照鸞闕於霞標荐水涵元湛驪宮於霧壑授

鳳書而稽碧落仙構罕存按龜籙而質黃圖金模間起

王勃乾元殿賦

三階八戶百拱千楹瑩以玉琇飾以金瑛綠芰懸挿紅

藻倒生木葉寒聲壺人唱靜承露擎虛相風照迴文懸

日月思革風塵實附鳳之多幸愧屠龍之不真江總雲堂賦

西則秦苑東則洛城八百里之歌鐘斷續五十年之寰

宇昇平折楊柳之數聲雁驚前渚落梅花之一曲鳥散

芳枝竟無六律繼當時紫府之清音空有一條是往日

翠華之來路鄭濟吹笛樓賦

寒雁正來下秦山之八水暮烟初起繞漢家之五陵凝

朝元閣賦

叢臺造日淄館連雲錦墻列績繡地成文梅梁蕙閣桂

棟蘭粉竹深葢雨石暗迎曠激流疑疏構峯似削苔滑

危磴藤攀聳嶸樹影搖牕池光動幙月澄遙淑風清近

壑雪岍難銷花園易落高桐百尺垂楊五株開榮九畹

結秀三珠山條紫的水葉紅鬚抽芳繞雷接翠分衢亭

謹旅鶴浦噪驚鳧

江總承陽王山亭銘

水泛輕舟陸方羽蓋崇山崔嵬茂林幽藹表裏山河出

入襟帶

潘尼東武館賦

登壇洛汭沈玉河潛丹圖馭馬練甲乘龜榮光上幕休

氣連帷

庾信登壇銘

紫烟碧露絳雪玄霜廣成不踐王烈未翔移華甲觀徒

構震方遠跨飛梁儗臨側景瓊藥珠樹金堦玉井映日

分暉搖風共影岫濃翠合林虛桂靜朔去偷爽董來貨

杏檐非刻削戶恣登臨迎春花近避暑涼深秋雲卷闌

冬霰停陰桐棲鳳彩竹化龍吟輕飛亂色激溜成陰

江總

玄圃石室銘

漢賜五倫實云清吏魏寵衛臻用旌庸直北連城闕有

似甄侯之舍東望市廛榮深豫章之圃昔狼望未平冠

軍辭宅馬池猶隔雍丘讓邸

元帝謝賜第啟

南望朱鳥北距蒼龍右帶御溝左廻青路異晏嬰之湫

隘同潘岳之閑居葺家築室百堵皆興雲屋連薨一朝

弘做

劉孝儀賜第啟

晏嬰湫溢齊景營其爽塏孫歷無家晉武爲之築館故

蒙考室之榮以降葺宇之澤匈奴未滅遠當命奐之美

環堵爲室遂得歌笑於斯

前人謝賜宅啟

居異道南才非巷北豈望地無湫隘里號乘軒巷轉幡

旗門容幘蓋交垂五柳若元亮之居夾石雙槐似安仁

之縣却瞻鍾阜前枕洛橋池通西舍之流牕映東隣之

棗來歸高里翻成待封之門夜坐書臺非復通燈之壁

庾肩吾前題

繩樞斷續薄雨已傾席戶穿闌微風自卷遂得牕臨上

路戶望東家人悅爽塏里驚命奐門學于公逆容駟馬

巷均王濬豫擬幡旗

任孝恭謝治宅啟

恐馬援之災氛寧逃濕漏念楊雄之風雨須託併幪障

錦飄紅則土皆被繡幕雲浮翠則木鮮呈材

羅袞謝借宅啟

許伯延賓尚懼葢侯之誠趙文考室猶欽張老之言

白居

易宅帖

衡門燕雀乍相賀於朱楹武庫龍蛇忽追飛於陋巷

呂溫

謝賜
戰啟

昔山既實向巽蓋與之贈賦文涉室滿於梁步之有
臨願珠似土音好滿壽雲氣舉恨木嶺呈於

器用類

飄飄畫鷁決孤影而排風迢迢檣烏轉危竿而就日常暉

舟賦

鑿昆明者四十里坐豫章者一萬人前人大舟賦

名稱合乎星辰圓方象乎天地均輕重而攻材正陰陽

而斲木既涉用於馬牛亦受名於羊鹿甄玄成車賦

或屠釣以忘名或版築而在野蒲也採陂澤之叢有車

之用輪也斲陰陽之木如日之園王起蒲輪賦

銀裝漆鞘紫錦囊盛未遇良工之鑿嘗為下客所彈龍

藻雖繁鶉膏稍薄敢因五日仰續千齡武士讓鋒佞臣

喪魄無荆王之遇敵手以麾城有漢相之策勲腰而上

殿李商隱端午
日上劔啟

風伯吹鑪雲師凍冶鐵焰朝流金精夜下價重十城名

高千馬千金穎合百煉鋒成光連斗氣燄動山精身文

水動亦古珠生斗精遙降山靈下從水文千曲蛇鱗百

重燕砥歛亦蜀水開鋒庾信
刀銘

水鐔含彩雕琰表飾名均素質神號脫光五寶初成二

勝今造錫韓非之書未足為比給博山之筆方此更輕

簡文謝
刀啟

重葩累繡脊瑩連璋飾以文錦映以流黃羊勝
屏賦

冠六書而獨美超二篆而擅奇乍寫星區時圖鳥翅非

觀觸石已覺雲飛豈待金璫便覩蟬翼簡文答飛
白書屏書

紀亮所隔唯珍雲母武秋所顧大寶琉璃豈若寫帝臺

之基拂崑山之碧畫巧吳筆素踰魏賜馮商莫能賦李

允誰敢銘劉孝威謝
畫屏啟

琉璃見重雲母稱珍無復楚臺之風得同鄒谷之煖周
弘

正謝
屏啟

禁鐘啟明納晴天之曙色嚴城警夕引華月之宵光銅

環靈壽銀角桃枝開木瓜而未落養蓮花而不萎迎仙

客於錦市送遊龍於葛陂疏條勁栢促節貞筠枝端刻

鳥角首圖麟庾信竹杖賦

夏室已寒冬裘可襲九日煎沙香粉不棄三旬拂海團

扇可捐劉孝儀謝花統簾啟

筠篁多品篠簜雜名自含蒼紫似久暴於柯亭乍舒黝

素若屢霑於湖水三伏餘炎九折成用旅食南館高臥

北窓簡文答臥簾書

濯龍之木文翊飾壇淮南之臺紫羅為薦五離九折出

桃枝之紫筍綺爛霞舒制雲母之修竹南湘點淚喻此

未奇東宮赤花擬之非妙前人答舞簾書

淮南承月之杯豈均符采西園浮雲之枕非謂瑰奇南

珍靡究未讀奏曹之表方物罕逢不識議郎之畫梁太子謝

廣州振等啟

泰山之藥既使延齡長生之枕能令益壽黃金可化豈

直劉向之書陽燧含火方得葛洪之說重安玳瑁獨勝

瑰材方松非匹稱榴未擬元帝謝寶枕啟

扇香鏤彩織銀卷足照色黃金迴花青玉漆華映素畫

製舒綠性廣知平文雕非曲厠質寶帷承芳綺縟簡文書案

春坊漆管曲降深恩北宮象牙猥蒙霑逮雕鐫精巧似

遼東之仙物圖寫奇麗笑蜀郡之儒生稽賦未工王銘

長奇頌慕 器用 卷之四七

非善伯皆致贈纔屬友人葛龔所酬止聞通識有美卜

商無因則削徒懷曹植恒願執鞭元帝謝白牙鏤管筆

烟磨青石已踐孔氏之壇管插銅龍還笑王生之壁西

域胡人臥織成之金篋遊仙童子隱芙蓉之行障並出

梁園來頒狹室庾肩吾謝銅硯筆格啟

方如地象圓似天常點黛文字曜明典章漸漬甘液吸

受流芳繁欽研贊

雖復鄴殿鳳銜漢朝魚網平淮桃花中宮穀樹固以慚

茲靡滑謝此鮮光劉孝威謝官紙啟

竹山奇製上蔡輕烟色掩緇帷香含漆簡雅復三臺故

物貴重相傳五兩新膠乾輕入用猶怨於潛曠遠建業

疋羸韋曜名方即求鷄本傳玄佳致別染龜名恩加於

蘭署即官禮備於松檮介婦汲妻衡弟所未窺觀廣記

漢儀何嘗著列况又玄洲上苑青瑣西垣讎字猶新疑

籤尚整帳中女史每襲清香架上仙人常持縹帙豈知

夜鶴頻驚殊慙志業秋蛇屢縮不稱精研温庭筠謝齊集賢墨啟

裁筠比霧裂素輕蟬片月內掩重規外圓泝踰蘋清螢

等寒泉恩深難恃愛極則遷庾肩吾團扇銘

飾以赤野之玉文以紫山之金空青生峨眉之器雌黃

出嶓冢之陰丹石發玉屋之岫碧髓挺青敏之岑粉則

南陽鉛澤墨則上黨松心

江淹扇上
絲畫賦

六翮風流五明氣重若此圓綃有兼珍玩輕踰雪羽潔
並霜文子淑賞其如規班姬儷之明月豈直魏王九華

漢臣百綺

王融謝
示扇啟

文均析縷香發海檀肅肅清風卽令象簞非貴依依數
綵便覺夏室含霜飲露清蜩應三伏之修景群飛黃雀

送六月之南風蔽日垂陰薰澤慚彩浮涼滌暑蘋末愧

吹

簡文謝
齊扇啟

天河漸沒日輪將起燕噪吳王烏驚御史玉花簞上金
蓮帳裏始摺屏風新開戶扇朝光晃眼早風吹面臨桁

下而牽衫就箱邊而著釧宿鬟尚卷殘妝已薄無復唇

珠纔餘睂萼靨上星稀黃中月落能橫卻月巧挂迴風

龍垂匣外鳳倚花中鏤五色之盤龍刻千年之古字山

鷄看而獨舞海鳥見而孤鳴臨水則池中月出照日則

壁上菱生

庾信
鏡賦

雲開月見水淨珠明

簡文
鏡銘

玄枵命巧仲呂呈祥金鑄石漢銅鑄丹陽價珍負局影

麗高堂圖星擬蓋寫卦隨方明齊水止照與天長增光

兔苑永侍龍光

江總
方鏡銘

雲會中區網布四裔

曹植
圍棋賦

長奇頌慕

器用

圍奩象天方局法地枰則廣羊文犀子則白瑤玄玉方
目無斜直道不曲徘徊鶴翔差池鶯起方四聚五化六

持七 梁武帝
前題

南油俱滿西漆爭然蘇徵安息蠟出龍川斜暉交映倒
影澄鮮九微間吐百枝交布聚類炎洲踈同火樹競紅
藥之晨舒茂丹螢之昏鶯蘭膏馥氣芬炷擎心寒生色

淺露染光沉 簡文看
鐙賦

九龍將暝三爵行棲瓊鈎半上弱木全低牕藏明於粉
壁柳助暗於蘭闥翡翠珠被流蘇羽帳舒屈膝之屏風
掩芙蓉之行障卷衣秦后之牀送枕金臺之上百枝爾

樹四照連盤香添然蜜氣雜燒蘭燼長宵久光清夜寒
動鱗甲於鯨魚燄光芒於鳴鶴幟飄則碎花亂下風起
則流星細落楚妃留客韓娥合聲低歌著節游絃絕鳴
輝輝朱燼燄燄紅熒乍九光而連彩或雙花而並明 庾信

前題

官燭斯然更慚良吏宵光可學乃會耆年 徐陵謝
燭啟

識慙曼倩似見昆明之灰清愧伯鸞不復因人之熱 庾
肩

吾謝
炭啟

洛城雪深不見海神之跡滹沱冰合無待王霸之覘聚
而為岳大壯黑山稱之以船將重牙獸燼生烽燄室滿

紅光雉裘入而識奢鼠布焚而無汚

劉孝威謝炭啟

樂律類

器冷絃調心閑手敏器和故響逸張急故聲清剛遼故

音痺絃長故徽鳴

嵇康琴賦

繁絃既逸雅韻乃揚走獸率舞飛鳥下翔

蔡邕前題

聲由動發趣以虛淡

殷仲堪琴贊

幽蘭無聲媚庭際之芬馥綠水不奏流舍後之潺湲絃
為音而方用音待絃而後發苟在意而遺聲則器空而

樂歇

張隨無絃琴賦

設宮分羽經徵列商基黃鐘以舉韻望儀鳳以耀形寫
鳳翼以插羽摹鸞音以厲聲輟張女之哀彈流廣陵之

名散詠園桃之天天歌棗下之纂纂潘岳笙賦

聲流洛浦器重汾陽協歌鐘於宿夕詠月扇於繞梁同

離鴻於流徵會別鶴於清商顧野王前題

若夫排雲入漢之美含商觸徵之奇罷雍祠之麗響絕

漢殿之容儀於是制絃擬月設柱方時或徘徊而蘊藉

或慷慨而逢迎若將連而類絕乍欲緩而頻驚奇調間

發美態孤生若將往而自返似欲息而復征至若登山

望別之心臨流送歸之目隴葉夜黃關雲曉伏觀獨雁

之寒飛望文河之水縮度玲瓏之曲閣出翡翠之香帷

腕凝紗薄珮重行遲耳熱眼花之娛千金萬年之壽玩

飛花之度牕看春風之入柳黛眉如掃暎睇成波情長

響怨意滿聲多落橫釵於袖下歛垂衫於膝前乍含情

而移柱或斜倚而續絃照瓊珮而俯捻度玉爪而徐牽

見微嘖之有趣看巧笑之多妍抗長吟之靡曼雜新歌

之可憐簡文帝箏賦

侯牽化而始造魯幸奇而後珍名啟端於雅引器荷重

於吳君等齊歌以無譬似秦箏而非群劉義慶塗篋賦

龜腹鳳頸熊據龍旋戴曲履直破觚成圓虚心內受勁

質外宣磅礴象地穹崇法天候八風而運軸感四時而

鳴絃金華徘徊而月照玉柱的歷以星懸薛收琵琶賦

析文梓以縱分割香檀而橫列或錦散而花開或絲縈而綺結聲備角商韻包宮羽橫卻月於天漢寫迴風於洛浦悲紫塞之昭君泣烏孫之公主入小苑而看花遊上蘭而藉野泛澄波而轉鷓息長松而繫馬紆徐雙鶴之吟清壯三秦之曲望高山之遙翠見西河之始綠虞世

南前題

披涼州之妙參擿飛龍之奇引垂幽蘭之遊響來楚妃之絕歎放鷓鷯之弄音散白雪之清變夏侯湛聽笳賦感和平之氣積滿於中見理化之音激揚於外應仲氏之箎自諧琵琶瑟雜伊耆之鼓無相奪倫鄭希稷頃賦

西昇路接韻閭闔之清風北斗城連含未央之夕漏蘇頌

鐘銘

國容軍禮旌羽昭其華車騎品第鑿蕤藹其飾勒岫銘海之功鞞革寫其詠戡難夷邦之業管竹凝其聲朱露玄雲既錫上德巫山芳樹以被奇勳江淹讓羽葆鼓吹表

高臺迢迢未朱夏而登臨芳樹華滋非青春而奏曲江總

前題

翠鳳入於洞簫殊非雅韻朱鷺傳於鼗鼓敢比仙聲王維

賀古樂器表

雲英之聲何質韶濩之樂則深朱絃徐泛覺虞帝之風

薰玉戚再持想周文之山立

李程觀古樂賦

播師律於六律寰海用寧揚軍聲於五聲華夷知勸

高郢

獻凱樂賦

調乎琴瑟之間無非故曲奏自雲韶之下盡是凡音戀

虛徐之歌態始訝遏雲振飄飄之舞容忽驚迴雪

沈郎霓裳

羽衣曲賦

伏羲之琴瑟有序女媧之笙簧畢萃動角則寒谷花明

叩商則春林葉墜

李子卿功成作樂賦

日下梧宮陰清竹殿餘霞未斂殘紅猶見橫玉釵而曜

首覩鉛花而飾妝低翠蛾而斂色睇橫波而流光聲歛

抽而含態氣未理而騰芳乍連綿以爛熳時頓挫而抑

揚始析宮而合徵終分角而和商掩餘姿於雕扇散輕

塵於画梁

謝偃聽歌賦

信身輕而釵重亦腰羸而帶急響玉砌而遲前度金扉

而斜入徐鳴嬌節薄動輕金奏巴渝之麗曲唱碣石之

清音扇纔移而動步鞞輕宣而遂吟髮亂難持簪低易

捧幸福恃恩懷嬌妒寵

簡文舞賦

登妝臺而鸞鳳比翼對寶鏡而齒齒爭春古也邳支之

伎今也柘枝之名

盧肇觀柘枝舞賦

臨波笑臉豔出浦之輕蓮映渚蛾眉麗穿雲之斜月鼓

吹沸於江山綺羅蔽於雲日洛川迴雪獨美陳思巫峽

行雲專稱宋玉

駱賓王
競渡序

蕭波臣而戒事命舟子以水嬉彩鷁蓮歌乍起吳江之

引青龍桂楫時謳越女之風鳥逝蚪驚沸珠潭而競逐

雪飛電集橫玉浦而流光

陳子昂
競渡表

服飾類

雁橋風暖犀浦花新疊嶂繁閣長楊映津軒車照地士

女驚人風土堪樂山川可珍歲時不殊於荆楚形勝有

類乎咸秦晚景彌秀晴江轉春織迴文之重錦豔傾國

之妖質布葉宜疎安花巧密寫庭葵而不欠擬山鳥而

能悉績縷嫌遲嘖蛾摹疾乍離披而成段或煥爛而成

匹青如禁柳紅作宮花

張何蜀江
濯錦賦

舒將並石來堪暮雨繁持結纜剩可乘舟秦川書字如

能八體鄴縣登高真堪九日宋姬贈馬未足為榮馮媛

乘車方茲非寵

元帝謝
錦啟

江波可濯豈藉成都之水登高為豔取映鳳皇之文鮮

潔齊純聲高超穀色方藍浦光警靈山試以照花含燭

銀之狀將持比月亂合璧之暉前人謝辟邪錦啟

雜藻火與粉米鬱山龍與華蟲龜龍為文神仙成象既

綿華而綢彩亦密照而疎明顧影自媚窺鏡自憐極車

馬之光飾盡衣裳之妖妍張率繡賦

潔同雪霜華逾紵綺長裾可曳無媿王門之賓廣袖將

裁翻有城中之製庾肩吾答餉綾書

圖雲緝鶴鄴市希逢寫霧傳花叢臺罕遇馬均騁思比

巧猶慚虞卿受金方恩未重扁舟獨返燕路有心載寶

言歸啣珠無日前人謝白綺綾啟

八體神變迴龍鳳之殊姿五色暈開動雲霞之仙氣李邕

謝勅書及綠綾表清河之珍丘園慙其束帛關東之妙潛織陋其卷綃鶴

露宵凝輕綺立變雁風朝急冶服成溫有謝筆端無辭

陳報庾肩吾謝絹啟

霜純雪委霧縠冰鮮沈約前題

似逐安車之徵如輕殿中之對善識山川應圖方丈脫

能臨水必不棄書王褒前題

去冬凝閉今春嚴勁霰似瓊田凌如鹽浦張超之壁未

足鄣風袁安之門無人開雪覆鳥毛而不煖然獸炭而
 逾寒遠降聖慈曲垂矜賑諭其蠶月殆罄桑車津實秉
 杆幾空織室新市數錢忽疑敗綵平陵月夜驚聞擣衣
 妾遇新練自然心伏妻聞裂帛方當含笑莊周車轍實
 有涸魚信陵鞭前元非窮鳥庾信謝
絲布啟
 南冠獲宥既預禮延稚子勝衣還蒙拜謁關尹津梁之
 織鄴地雙絲扶風彩文之機仙園獨繭青衿宜襲書生
 無慶學之詩春服既成童子得雪沂之舞棲鳥挾子同
 知桂樹之恩澤雉將雛共喜行春之令根株一潤枝葉
 俱榮前人謝
前題

桂露朝滿涼衿夕輕曳羅裾之綺靡振珠珮之精明盼
 睇生姿動容多致弱態含羞妖風靡麗調鉛無以玉其
 貌凝朱不能異其唇若雲霞之邇月似桃李之向春紅
 黛相媚綺組流光笑笑移妍步步生芳兩靨如點雙眉
 如張頰肌柔液音性閑良悟因虛而調遠桂由貞而響
 沈散繁輕而浮捷節疏亮而清深含笙總筑比玉兼金
 翔鸞爲之徘徊落英爲之颯沓住落手之參差從風颺
 之近遠或連躍而更投或暫舒而長歛閱紋練之初成
 擇玄黃之妙匹準華裁於昔時疑形異於今日書旣封
 而重題詞已緘而更結班婕妤
禱素賦

聞後響而已續聽前聲而猶在始於搖揚終於潰亂四

振五振亂飛雁之兩行六舉七舉過彩雲而一斷隱高

閣而如動度遙城而如散

魏瓘構
練賦

銀章雪明朱紱霞爛魚須在手虹玉橫腰

常袞謝
賜緋表

雕鏤新奇織製精潔越中玉女不得關思上方名匠莫

能議巧

劉孝儀謝銀
裝絲帶啟

鶴紋價重龜甲樣新織華不讓於齊統輕楚能均於魯

縞掩新蒲之秀色奪寒兔之秋毫

張玄晏謝
衣緞啟

裁縫則萬壑縈體鍼縷則千巖映目圖島嶼之削成寫

淪漣之徑復若董衣之百結同衛服之十年嗟斑鬢之

已颯愧冶服之為妍謝銜珠之有報荷墜履之無捐

江
總

謝山水
袍賦

或儔名麗辭等質輕霧或色華少海用寶叢臺或粲彼

三英縫茲五緘品頒歲襲綠奪春耕蒿席可克緼袍易

足

周弘正謝
穀袍啟

匪發衽開玄華有曜靡毫柔毳黯鑑自凝綵越綴輦光

踰緝燕

謝莊謝
貂裘啟

雲衣降授仙裾曲委榮振素里澤駭蓬心漢帝解裘不

忘前寵曹王褫帶復降今恩

王融謝
裘啟

物華雉毳名高燕羽才慙齊相愧狐白之飾德謝漢蕃

均黑貂之賜地卷朔風庭流花雪裾生惠氣袖起陽春

簡文謝
賜裘啟

懸機巧縹變躡奇文鳳不去而恒飛花雖寒而不落披
千金之暫暖棄百結之長寒永無黃葛之嗟方見青綾
之重對天山之積雪尚得開衿冒廣廈之長風猶當揮

汗 庾信謝皂
羅袍袴啟

積絲成彩散繭騰花巧擅易水之間價貴叢臺之下

沈約

謝綾裙
襦啟

弄杼多疎紉針未工免李固之奇表累王衍之神鋒敢

恃深恩竊陳善祝 李商隱上
衣服啟

階邊細草猶推綵葉之光戶前桃樹反訝藍花之色裙

飛合燕領鬪分鸞 庾肩吾謝內
人春衣啟

中暑良時沐蘭冷節天書親經緯之文麗服見裁縫之

妙捧其珍玩價重於兼金賜以綵絲恩深於延算 張次
宗謝

賜端午
衣服狀

八行明詔伏讀而不啻千鈞一襲輕衣跪捧而若無三

伏絲縷出仙蠶之璽貞金凝姹女之魂華楚成行永願

千春而奉聖綿長共保常期五日以霑恩 李商隱
前題

山靜風落天高氣涼蟋蟀入兮堂戶近鴻雁飛兮天路

長欲備歲之無衣無褐始禦冬而載玄載黃命婦女事

為公子裳李子卿九日授衣賦

綾裁飛鵠絮裛仙蠶白分椒壁之光紫奪蘭芽之色李商

隱謝賜冬衣啟

被服而炎蒸坐銷秉持而長短立辨揆才量力將何補

於寸分運肘延頸實有塵於領袖令狐楚謝葛衣寶尺啟

衣絮八蠶之綿暖如狐腋弓纏九牛之角勁若鳥號李商

隱賜將士襖子弓弩啟

挹婁之毳曲降鴻恩麗水之珍復蒙殊獎坐變仲尼之

容增暉允南之貌元帝謝貂蟬啟

示勁悍而貂文既緝彰清高而蟬翼斯綴引錯雜之光

足見乎以文為貴分動搖之影誠識夫居危如安蟬者

食潔居高貂者內溫外悍侯列貂蟬冠賦

色豔蒲桃采逾連璧鄂君慚綉楚侍羞珠帝賜鶴綾客

贈鴛綺高懸麗藻遠謝鮮明漢老悅其怪文魏馬驚其

香氣劉孝威謝錦被啟

漢后錫貂魏君送褥未有玄兔來王黃龍作貢便覺肅

脊非遙挹婁無遠元帝謝褥啟

狐裘熊席徒負舊名玄豹青鞵未能適體嚴冰在節朔

飈結宇吹綸愧暖挾纊慚溫勤非伏寢恩重夜覆道愧

經朋坐叨重席仰榮俯愧進退在顏張纘謝果然褥啟

東海美毳不著馬彪之儀北朔文茵豈問張敞所記雖

狐白千金織成十種李頌漢被楊降曹氈不足以髣髴

洪慈連類聖澤

簡文謝貂禱啟

裁茲金縷製此妖飾緝濯錦之龍光剪輕綺之蟬翼明

金亂雜細寶交陳又同厭勝欣此節新擬椒花於歲首

學桃夭於暮春

前人眼明囊賦

珍寶類

標魏之美擅楚之賢既登席而趨麗亦綴履而升妍瀛

淮激電甘海震雷視回流而失轉見折水之亡迴謝驪

宮之瑞飾粉靈蚌之神胎

吳筠碎珠賦

高秋之夜月孤上長河之曉星第滅

梁德裕投人夜光賦

楚臺瞻烏秦原逐鹿

敬括玉斗賦

有崑山之妙璞產曾城之峻嶮嗽丹水之炎波蔭瑤樹

之玄枝應九德之淑懿體五材之表儀

魏文帝玉玦賦

昉田麗彩槐水鏤文飾以金闕之珠製以魯班之巧裾

端照色影外生光方溫謝德比振慚聲

簡文謝玉珮啟

沈光內照浮景外鮮

魏文瑪
璫勒賦

北園清夏東閣浮涼山交枝而影雜水沈葉而流香蟬

無風而引短鷺出迥而飛長獲阿宗之美寶命河朔之

名觴寶出崑崙之仙阜觴卽玄洲之玉酒酒既醉而還

年盃稍酌而延壽

江總
璫賦

苞華文之光麗發符采而揚榮方者如矩圓者如規稠

希不謬洪纖有宜

魏文車
渠盃賦

采金光以定色擬朝陽而發暉豐玄素之煒燁帶朱榮

之葳蕤

曹植
前題

光清朗以內曜澤溫潤而外津體貞剛而不撓理條達

而有文兼五德之上美超衆寶而絕倫

王粲
前題

國用築臺之禮賦揚擲地之聲

韋岫
金賦

無勞磁石之火金貨猥臻非遊玉壘之川銅山可見舒

王濟之埒猶覺有餘假劉實之繩穿而不盡榮光獨照

自均若木負恩知重竊譬蓬萊

簡文謝賜
講解錢啟

重彼八銖珍斯九法赤仄成采出自水衡之錢紺文委

貫忽積銅扇之裏

前人謝賜
放生錢啟

名稱榆筴非投飲馬之橋價重圍泉寧棄呪鷄之野始

出王門忽光私言青鳧委質笑夷甫之不言赤仄垂緡

重河間之能數

張正見謝
賜錢啟

貫藏文馬如燒安息之銀帶插通犀似獵雲南之獸北

郭騷之長貧是所甘愜南宮敬之載寶殊非念望花開

四照惟見其榮鼇帶三山深知其重庾信謝犀帶金錢啟

重非半兩輕異五銖子毋相權饑寒頓解細看銅郭徐

憶牙籌雖云神有魯褒便恐癖如和嶠李商隱謝聘錢啟

白馬從軍青鳧受聘磨文難滅校貫知多陸賈方驗於

火花郭況莫矜於金穴前人前題

訪蜀郡之卜人懸之莫竭遇河間之姹女數且難窮未

草檄而愈風不執鞭而獲富前人前題

多若鑿山積如別藏丙科擢第未全染於桂香盛府從

知却自驚於銅臭前人前題

素金之貴有訪仙經鐫刻可竒見符神鼎轍膳器於珍

羞之席降寶玩於簞瓢之門王融謝銀鉢啟

珍窮貨貢製極範金用貴寶樽文包龍鼎雕鏤海籍圖

載山經閱眾靈於器中弄神姦於掌裏劉孝儀前題

靡靡絲垂綿綿縷細入貢宜吳出先陪楚揚斯雅論釋

此繁疑拂靜塵暑引飾妙詞徐陵玳瑁塵尾銘

楊雄口訥本貴談端田蚡貌寢終於麗飾始興之扇方

斯非擬鄴中之錦匹此為輕弘此仁風既動承華之氣

服茲懷袖復比文若之香梁湘東王謝塵尾錦被團扇啟

菴亂九衢花含四照田文之珥慚於寶葉王粲之詠惡
於乘蓮九官之璫豈直黃香之賦三珠之釵敢高崔瑗
之說麗玉澄暉遠過璚瑁之飾精金耀首高踐翡翠之

名元帝謝花釵啟

昔在陽臺雖逢四照曾遊澧浦慣識九衢未有仍代爵
釵還勝翠羽飾以南金裝茲麗玉修靡夫人本分章華

之裏中山孺子獨荷春宮之恩有志當熊無期投閣前

為妾夜姝謝合心花釵啟

銀山自溢玉燭調年雖免茂弘之譏竟微辛毗之勇前

輸江州節表

食飲類

味重新城香踰澇水連舟入浦似彥伯之南歸積地為
山疑馬援之西至不待侯沙同新渝之再熟無勞拜石
均遼倉之重滿前恩未遠次渥仍流墨翟假以攻書裴

楷慙其國賜庾肩吾謝米啟

潢水鳴蟬香聞七里瓊山合穎租歸十縣人慙振藻徒
降雲間之松臈濫更繁空撤家丞之俸成珠委地事重
逢仙遊玉為糧珍踰入楚雖復激水滄流不待監河之

說春風掃地方訥文學之篇前人前題

丹鳥啣穗既集西周黃雀隨車還飛東市漬而為種不

無霜雪之精取以論兵即有山川之勢陋巷簞瓢櫛風
沐雨剝榆皮於秋塞掘蟄燕於寒山仰費國租遂開塵
甑非丹竈而流珠異荆臺而炊玉東方朔之俸米既息
長饑西門豹之墾田方慙此賚前題

農夫力耕時逢儉歲疎賤時澤必取豐年椽斛瀉珠嘉

聞陶量翻庭委玉欣見馬圖庾肩吾謝

賈逵渠水雖曰難蹤梁習勸農竊知自勉元帝上

江臯綠菹之筍洞庭紫鬣之魚昆山龍胎之脯玄圃鳳

足之藟千里尊羹萬丈名膾氣馨若蘭色美如艾吳筠

金鷄瑞鼎盈上帝之珍羞玉女行厨盡群仙之品味陳

昂獻
食表

乳糜香飯素榛糗漿五杏七桃靈瓜仙棗氣馥上天薰

流下界石崇芳果金谷僅於萬株陳湯木滋杜陵幾於

千樹猶自高謝珍奇多慚品族劉孝威謝賜

糜獻牛牧飯出龍宮千品甘露之食百花珍藥之果雕

盤流其滋旨寶器委其包香足使三世長者羞彼識味

一角仙人耻其呪術前人謝賜

金壺流十旬之氣玉案備千品之羞絳羅為薦既延王

母紫蓋為壇允招太一羣以餘年豫開清祀如陪瑤席

遂飲瓊漿徐陵謝賜

上林絕胡人之搏禁地無張京之犯而猶有班超遊獵

李廣馳射遠歸於厨吏入貢於腊人形圖三事之車影

入九仙之鏡劉孝儀謝鹿脯啟

東越水羞實罄乘時之美南荆任土方揖鮮魚之最王融

謝紫鮮啟

珍韜江浦味越名川八駿東征止收黑水之麥七華西

討才獲苦山之菜周弘正前題

龍醬傳甘退誠可陋蜚醢稱貴追覺失言上聖聞雷未

之能覆嘉賓流歎羞無辭劉孝儀謝蝦醬啟

董盧飛名於華肆和均絕技於俗屢王孫駭歎於曳緒

東子賦弱於春綿色必霜葩雪皓肉則錦采雲嫺庾闡餅賦

安定噎鳩之麥洛陽董德之磨河東長若之葱隴西舐

背之犢抱竿赤髓之羊張掖北門之豉然以銀屑煎以

金鈔洞庭負霜之橘仇池蓮蒂之椒譚以濟北之鹽剉

以新豐之鷄細如華山之玉屑白似梁甫之銀泥既聞

香而口悶亦見色而心迷吳筠餅說

繁布金房疊構玉室散似甘露凝若割肪冰鮮玉潤髓

滑蘭香窮味之美極甜之長郭璞蜜賦

宜城醪醴蒼梧縹清或揚袂屢舞或叩劍清歌或嘖嘖

辭觴或橫飛奮爵或難驪駒既駕或稱朝露未晞曹植酒賦

素醪玉潤清醑淵澄纖羅輕布浮蟻競升袁山松前題

異五齊之甘非九醞之法屬車未曾載油囊不得酤試

儔仙樹葛玄泥首才比蒲桃孟他銜壁劉孝儀謝酒啟

承天詔以咸觀兼聞金石泛恩波而已醉不待樽罍呂

謝內宴啟名茶馥郁嘉果駢羅嘗珍而食指先驚敢忘盈滿竊位

而憂心已醉寧待獻酬錢珣謝酒食狀

天酒來以分甘御肴降而示惠寵過加遽懼多尸素之

責榮同置醴慚無麴孽之功白居易謝賜酒狀

麴起玉塵酒含瓊液鼯鼠飲河之腹聞以滿盈老牛舐

犢之心喜無終極令狐楚謝賜麴酒狀

以周官百品之珍載頌其實雖魏臣五熟之釜豈容其

多常袞冬至謝賜羊酒表

植物類

拂天河而布葉橫日路而擢枝或如龍盤虎踞復似鸞

集鳳翔青綯紫綬環璧珪璋重山累嶂連波疊浪奔電

屯雲薄霧濃霧廓宗驥旅雞族雉群蠲繡鸞錦蓮藻芟

文色比金而有裕質參玉而無分中山王文木賦

收人間之暝色未遍群山聳海底之紅輪先經此樹朱

扶桑賦

朱華電照碧葉玉津郭璞若木贊

託根長樂擢穎建章布葉垂柯鄰月中之丹桂連枝接

影對天上之白榆張謂進安羅樹狀

長倚頽慕

植物

卷之四 三

謂為交柯乃尋本而無末謂為別幹能已離而復連王

貞連理

開陽門之肇建飛柱潛移太極殿之初營浮梁遠至崔融

賀瑞木表

修條垂陰喬柯飛穎望肅肅而既聞既微微而方靜懷

風音而送聲當月路而留影紛落葉而凝照競新藻而

抽英陵翠山其如剪施懸蘿而共輕謝朓高松賦

蟠株聳榦之懿含星漏月之奇經千霜而得按仰百仞

而方枝露雖滋而不潤風未動而先知既梢雲於清漢

亦倒景於華池葉斷禽蹤枝交猿路聽騷騷於既曉望

隱隱而將暮暖平湖而漾青綠拂繒綺而籠丹素沈約前題

枝若檉松葉如瞿麥李德裕金松賦

有張孺之正色無思曼之風姿前人柳栢賦

枝扶踈而單布莖森梢以奮揚王粲柳賦

鬱青青以暢茂紛冉冉以陸離繁欽前題

垂柯葉而雲布揚零花而雪飛或風迴而游薄或霧亂

而飄零伍輯之柳花賦

枝封暮雪葉映晝虹喧密葉於鳳晨宿高枝於鸞暮俯

結玄陰仰成翠屋遠齊彩於碧林豈漸光於若木沈約桐賦

貞觀於曾山之陽抽景於少澤之東被藉兮烟霞懷佩

今星虹

袁淑前題

白鹿貞松青牛文梓三河徙植九畹移根開花建始之
殿結實睢陽之園聲含嶰谷曲抱雲門將雛集鳳比翼
巢鷓臨風亭而唳鶴對月峽而吟猿熊彪顧盼魚龍起
伏節監山連文橫水感平鱗鏟甲落角摧牙重重碎錦
片片真花披紛草樹散亂烟霞松子古度平仲君遷森
梢百頃槎枿千年苔埋茵壓鳥啄蟲穿低垂於霜露撼
顛於風烟東海有白木之廟西河有枯桑之社北陸以
楊葉爲關南陵以梅根作冶小山則叢桂留人扶風則
長楊繫馬拔本垂淚傷根流血入空心膏流斷節橫

風景類

夏石奇雲秋江迴月

陸景

出月隱山落日映嶼收霞斂色迴颺拂渚

謝靈運

松隱烟而接漢竹緣嶺而負筠哀過鴻於月曉悲夜猿

於秋旻

竟陵王

苔滑臨水石險帶溪

江淹

文檀晚麗采節晨暉春藤絡戶寒菊臨池

簡文

樹含嶺而共青艸帶原而同綠殘霞斂而復舒輕烟斷

而還續

唐太宗

舞蝶遊絲帶清颺而散影分花交柳映碧浪而成文巨

樹干尋結輕烟而聳翠危峰萬仞照落景而開紅前

徑分餘雪嶺界斜虹霧宿重巒寒生洞壑高宗

曉霧收碧晨霞散丹天后

野日照晴山烟送晚王勃

朔風動而關塞寒明月下而樓臺曙前人

白露下而南亭虛蒼烟生而北林晚前人

鳧雁亂而江湖春梅柳開而庭院晚前人

潦水盡而寒潭清烟光凝而暮山紫虹銷雨霽彩徹雲

衢落霞與孤鶩齊飛秋水共長天一色前人

巖楹左峙俯映玄潭野徑斜開旁連翠渚青蘋布葉亂

生傅玄李賦

酒泉之實稱於王賦瓜州之味記自張文太冲嗟其夏

成子建暢其寒熟潘園曜白孫井浮朱並見重於昔時

而霑恩於茲日劉孝儀謝朓啟

斐斐素華離離朱實傅玄棗賦

藥餘莖少葉暗枝多丹心美實絳質嘉枝陳後主前題

味出靈關之陰旨介玉津之滋豈徒真定歸美大谷慚

滋將恐帝臺妙棠安期靈棗不得孤擅玉盤獨甘仙席

謝朓謝紫梨啟

睢陽東苑子圍三尺新豐箭谷枝懸六斤未有生因粉

水產自銅丘影連鄧橘林交苑柿遠薦中厨爰頒下室

事同靈棗有願還年恐似仙桃無因留核庚肩吾謝梨啟

查或火成鑽以為屑柰稱煎用曝而成糗未若北燕巨

實用奪榮枯南國脯山翻成齒决承恩踴躍對聞喜之

河念報屏營問知來之鳥前人謝栗啟

繁莖條密豐榦林攢揮長枝以揚綠披綠葉以吐丹晞

絳采於扶桑接朱光於若木頰萼挺蒂金牙承蕤張協榴賦

削彼金衣咽茲玉液甘踰萍實冷亞冰壺劉孝儀謝柑啟

傳名地理遠自武陵之洲族茂神經遙聞建春之嶺王

逸為賦取對荔枝張衡制辭用連石蜜足使萍實非甜

葡萄猶餉庾肩吾前題

甘踰萍實剖食既同於楚謠寒比柘漿析醒何慚於漢

史劉禹錫謝新柑表

成都美其家園江陵重其千樹既見稱於陸言亦標名

乎馬賦潘岳橘賦

增枝之木既稱英於綠地金衣之果亦委體於玉盤見

雲夢之千樹笑江陵之十蘭葉葉之雲並琉璃而俱碧

枝枝之日與金輪而共丹風賫寒而北來雁銜霜而南

渡方散藻於年深遂凝貞於冬暮吳筠前題

貞葉凝碧藹湘岸之夕陰華實變黃動江潭之秋色李德

裕瑞橋賦

多置守民晉為厚秩坐入縑素漢譬封君固以俛匹穰
橙俯連楚柚寧似魏瓜借清泉而得冷豈如蜀食待飴
蜜而成甜倒景陽池垂華金堞珍石榴於式乾貴葡萄
於別館劉孝儀謝橋啟

光分璇宿影接銅鋒去青馬之迢遞服朱闥之爽塏楚

原洪筆頌記不遷陳主麗藻賦稱遙植昔朝歌季重纔

賜海魚大理元常止蒙秋菊庾肩吾前題

挺自禁園味逾井絡沈約謝胡桃啟

西旅獻崑山之胡桃北燕薦朔濱之巨栗暖若朝雲之

興森若橫天之葦湛若大厦之容鬱若峻嶽之勢灼灼

若朝霞之映日離離如繁星之著天皮似丹罽膚若明

璫卓絕類而無儔超眾果而獨貴王逸荔枝賦

綠葉雲舒朱實星映角宿興而靈華敷大火中而朱實

繁灼灼丹華吐日離離繁星著天孔稚珪荔枝啟

依層楹而吐秀臨平臺而結陰乃抽條而露始亦結實

而星沈聳輕榦而麗景涵清風而散音蕭子良梧桐賦

鳥纔食而便墮雨薄灑而皆零葉繁抽而蔽日枝長弱

而風生梁宣帝櫻桃賦

為樹則多陰百果則先熟劉義恭櫻桃啟

長奇頊纂

植物

卷之四 三

成叢殿側猶連製賦之條結實西園非復黏蟬之樹異
合浦之歸來疑藏珠寶同秦人之逐彈似得金丸

庾肩吾前

題

採因御苑分自天厨使發九霄集繁星而積耀味調六

氣承湛露而不晞

柳宗元謝櫻桃表

勇聞齊國止錫二桃遠至仙方裁蒙數棗豈如恩豐漢

篋賜廣魏奩妃女數而僅通算即計而方得生於玉井

之側出自金膏之地上靈所貴下土希逢

劉孝威謝林擒書

丹徒故苑歲絲長而不見岷山雖植路重阻而來難未

有徙核圓丘移根閩坂仙厨始摘猶青玉之盤下賤爰

頌遂八袖之座

庾肩吾謝林擒啟

渭川千畝山陽數林會稽方潤於碧玉羅浮比色於黃

金上點點以雲翳下冷冷而鳳吟美遊盤之逸趣清寂

寞之遠心湘妃有揮涕之感楚謠興防露之作或挺鼓

吹之嵌崱或垂天門之旁薄豈獨嬋娟於廣漢之壤亦

有璀璨於蓬萊之峰結實珠粒敷花紫茸拂皓絮以飛

雪摧紺莖以酌鐘化雉吳國成龍葛陂容人負簞育蟲

桃枝一笋明其胤嗣三節獲乎嬰兒榮燈纂以感孝茂

總櫛以表奇慧家壇以塵滅環石林以陰滋策斨筋曼

射筒綵旒籥箬箛筵之櫛蠹龍鍾雲母之扶踈箬箭浮

色以縹煥箇墮粹文而繡攄吳筠竹賦

夾池水而檀欒繞園塘而楠蠹既間霜而無彫亦中暑

而增肅綺疏敞而停日朱簾開而留風被箇籥之窈蔚

結篠蕩之漠濛江淹靈丘竹賦

玉潤桃枝之麗魚腸雲母之名日映花靡風動枝輕文

修竹賦

浮雲捲岫明月澄天光風細轉清露微懸紫莖膏潤綠

葉水鮮若翠羽之羣集譬丹霞之競然顏師古幽蘭賦

芬芳十步之內繁華九畹之中韓伯庸前題

山有木而轉深徑無人而自絕仲子陵前題

入坦道而銷聲屏山幽而靜異獨見識於栗臺竊逢知

於綺季周洪謨山蘭賦

赤者如日白者如月澹者如赭殷者如血向者如迎背

者如訣附者如語含者如咽俯者如愁仰者如悅裹者

如舞側者如跌亞者如醉曲者如折密者如織疎者如

缺鮮者如濯慘者如別舒元興牡丹賦

緗藥攢挺素華菲敷光譬朝日色豔芙蓉傅統妻芍藥頌

結修根於重壤泛清流而擢莖絲條垂珠丹榮吐綠擢

纖手於羅袖接紅葩於中流曹植芙蓉賦

的出豔發葉恢花披綠房翠蒂紫飾紅敷夏侯湛前題

流芬賦采風靡雲旋發清陽而增媚潤白玉而加鮮潘岳

前題

微旭露以滋采靡朝風而肆芳在龍見而萌秀於火中

而結房傅亮前題

排積霧而揚芬鏡洞泉而含綠葉折水以為珠條集露

而成玉潤蓬山之瓊膏暉葱河之銀燭冠五華於仙草

超四照於靈木對粧則色殊比蘭則香越汎明彩於宵

波飛澄華於曉月鮑照前題

擢麗滄池飛映雲屋實紀仙方名書靈蠟顏延之芙蓉頌

舒紅采於綠沼映灼爍於朱霞蘇彥英芙蓉賦

瑤艸罷色芳樹無情歸根息豔今八九月採花無窮分

千萬年夏之來兮玩早紅秋之暮兮悲餘綠宋之問秋蓮賦

傍斜山而屢轉乘橫流而不前荷稠刺密亟牽衣而綰

裳人喧水濺惜虧珠而壞妝畏風多而榜危驚舟移而

花遠簡文採蓮賦

棹將移而藻挂船欲動而萍開春餘夏始葉嫩花初恐

霑裳而淺笑畏傾船而歛裾水濺蘭橈蘆侵羅鞵荇濕

霑衫菱長繞釧元帝前題

綠裏紅葩細莖素萼露搖朱點霞折金鬚釋梵天王之

國千影離婁善住天子之地雙輝燦爛崔融賀千葉瑞蓮表

翠葉雲布黃蕊星羅煒明蓓粲菴藹猗那盧湛菊
花賦

東方記乎夕苑郭璞贊以朝榮潘文體其夏盛嵇賦憫

其秋零此京華之麗木非于越之薜英雨來翠潤露歇

紅燥疊萼疑藥低莖若倒江總木
權賦

仰椒屋而敷榮值蘭房而舒藻既扶蘇而雲蔓亦灼爍

而星微疎莖密葉翠萼丹華王簡蜀
葵賦

萋萋翠葉灼灼朱華曄若珠玉之樹煥若景星之羅夏
侯

湛宜男
花賦

懷香則十步必聞含笑則千金可市敬括木
蓮賦

建茂莖以竦立擢修榦而承阿朝敷條以誕節夕結秀

而垂華應場迷
送賦

揚豐馨於西裔播和種於中洲布萋萋之茂葉挺冉冉

之柔莖王粲
前題

立碧莖之娜婀舒綵條之蜿蟺下扶疎以布濩上綺錯

而交紛陳琳
前題

拔殘心於孤翠植晚玩於冬餘枝橫風而碎色葉積雪

而傍枯徐摛冬蕉
卷心賦

芝英繞殿暫疑王母之臺靈草成田聊比宓妃之館斜

臨網樹分貝葉而重開近對淪池接蓮花而倒下崔融
賀殿

中芝
草表

煌煌三秀分萋井而攢柯曄曄九光間梅梁而吐葉前人

賀芝草表

不識深宮豈是曾為帝女非侵遠道誰言能憶王孫陸龜

蒙書帶草賦

散圓葉以舒形發翠綠以含縹蔭修魚之華鱗翳蘭池

之清潦流息則寧濤擾則動浮輕善移勢危易蕩夏侯湛浮

萍賦

碎流月於澄波隱孤雲於斷岸郭元超水藻賦

鏡帶湖沼錦匝池林春塘秀色陽鳥好陰乃生水而搖

蕩遂山波而沈淫假青條兮總翠借黃花兮舒金游梁

之客徒馬疲而不能去兔園之女雖蠶饑而不自禁江淹

青苔賦

藉慶宗枝久沐星潢之潤躬持瑞穎預奉天保之符張說

賀嘉禾表

織芸濯露疑因黑壤之宜香稼搖風若吐黃金之色一

穗兩岐徒說張君之詠十畝千石方輕范氏之書崔群賀嘉

麥表

煥若積雪曄若春敷調神和內倦解慵除杜育苻賦

發當暑之清吟滌通宵之昏寐顧况茶賦

貢自外方降殊衆品效叅藥石芳越椒蘭傳出仙厨俯

頒私室義聞推食空荷於曲成責在素餐實慚於虛受

劉禹錫謝新茶表

方隅入貢採擷至珍自遠貢來以新為貴捧而觀妙飲

以滌煩顧蘭露而慚芳豈柘漿而齊味前人前題

照臨而甲拆惟新煦嫗而芬芳可襲柳宗元前題

榮分紫笋寵降朱宮味足蠲邪助其正直香堪愈病沃

以勤勞吳王禮賢方聞置茗晉臣愛客纔有分茶韓翃前題

豐細異形圓方殊務藍皮密理素肌丹瓠甘踰密房冷

亞冰圭劉禎瓜賦

發金英於秀翹結玉實於柔柯或濟外以表內或惠心

而醜顏或摛文以抱綠或披素而懷丹陸機前題

羊骹虎掌桂枝密筩玄表丹裏程素含紅張載前題

金榮始薦瓊藥載珍味奪蔗漿甘踰石蜜元帝謝瓜啟

結靈根以誕秀傾朝日而揚暉何承天木瓜賦

清滋津於紫梨流液豐於朱橘張協篋賦

上林紫水雜蒹藻以俱浮雲夢清池間芙蓉而外發珍

踰百味來薦畫盤恩重千金遂霑菲席凌霜朱橘愧此

開顏含露葡萄慙其不一庾肩吾餞謝菱啟

敷彼清光徵佛書而尤絕成其嘉實驗祥經而甚稀龍

騰白質乘秋果應於金行瓜合黃中表聖更彰於土德

花合歡蓮子黃瓜表

海水無波來因九譯周原澤洽味備百羞堯韭未儔姬

獸非喻梁太子謝朓啟

吳慚千里之尊蜀愧七棊之賦泮宮采芹空入魯詩流

火烹葵徒傳幽曲前人謝大菘啟

白莖紫蒂豚耳鴨掌溝東陌西行三畦兩稚葉平布弱

陰竟抽下歲蕤而被徑上參差而覆疇鮑照園葵賦

素岸成雲頰砂如積外隱青苔丹草內伏玉枝瑪瑙於

是寫雲圖氣學靈狀仙寶波麗水華峰豔山雜蛟龍之

文章發麟鹿之炳絢騁神形於鐘簾舒怪物與雷電江濔

空青賦

皓苓下居披紛上蒼中伏雞鳧具容龜蔡王微茯苓贊

綠葉抽條生於首峰之側紫花標色出自鄭巖之下百

邪外禦六府內克山精見書華神在錄木熒火謝盡採

擷之難啟且移申窮淋瀝之劑故能競爽雲珠爭奇冰

玉遨遊海岸追涓子之塵馳驚霍山共陳生為侶庾肩吾苔

陶隱居木煎啟

建自星橋見珍玉壘本草稱其輕身延壽實為上藥簡文

謝天門冬啟

斷涼滌暑闡命輕身縉雲昔御飛蹕上旻王微黃連贊

黃連上草丹砂之次藥孽辟妖長靈久視驂龍行天馴

馬匝地江淹黃連頌

除疴衛福蠲邪養正縹色外妍金光內映前人葛蒲頌

華不可炫葉不足憐微根倘餌棄劒為仙黃金共壽青

蘄爭年君謂無妄我驗衡山前人薯蕷賦

取題在賦多述逾書萍實非甘荔葩慙美王僧孺謝栴榔啟

形均綠竹詎埽仙壇色譬青桐不生空井庾肩吾前題

無勞朱實兼荔枝之五滋能發紅顏類芙蓉之十酒登

玉案而上陳出珠盤而下逮澤深溫柰恩均含棗前人前題

每表先生之候善為君子之防以枝葉為膚革之胞藉

麻絲為筋骨之屬陳章艾人賦

味消邪厲力輔神年類非難得之珍價無兼金之重閻丘

均進雲母粉表

巫咸視診岐伯下鍼松子玉漿衛卿雲液比妙眾珍實

云多媿劉孝綽謝給藥啟

香膏不秘於上清蘭澤遠傳於中禁崔行先臘日謝賜口脂紅雪狀

蠲邪愈疾驗絳雪於仙方却老駐顏觀瓊膏於寶器前人

謝賜口脂狀

朱奩忽開鮮膩與芳馨相雜素編既列閩餘將分至不

差披圖而齒算延長塗傳而口容芳潤令狐楚謝賜口脂曆日狀

長奇頌纂 植物 卷之四 望

膏凝雪瑩含液騰芳頓光蒲柳之容永去癘疵之患

劉禹

錫臘日謝賜口脂表

白日臨於陽谷繁霜入於露寒青牛帳裏未輟爐香朱

鳥牕前新調鉛粉

李嶠臘日謝賜臘脂口脂表

捧日月之光寒移雪海沐雲雨之澤春入花門雕奩忽

開珠囊暫解蘭薰異氣玉潤凝脂藥自天來不假淮南

之術香宜風度如傳荀令之衣

張九齡謝賜香藥面脂表

蘭膏滋潤絳雪珍芳捧持而炎瘴自消潤飾而衰容坐

變

邵說謝賜口脂面藥表

靈長上藥列自仙方芬郁蘭膏出於中禁

前人謝賜口脂表

時當蜡臘澤浹幽微彩雪蠲邪無虞於美疚芳膏盡飾

有愧於陋容

前人前題

膏液廣霑降中天之渥澤生香遠及蘊西城之芳馨

李舟

前題

金膏玉散駐齒髮於衰容瑞麩香稊頓豐盈於私廩

范咸

謝賜藥狀

動物類

允鷄喙而燕頤頸蛇蜿而龍文朱冠赫以雙翹靈質劇

其高舉

顧凱之
鳳賦

晨遊紫霧夕飲玄霜資長風以舉翰唳天衢而遠翔西

翥則烟氛闕色東飛則日月騰光仙翰屈而還舒靈音

摧而復起盼八極以騰翥臨九天而高峙唐太宗
前題

八象其體五德其文郭璞鳳
鳥賦

舉修距而躍躍奮皓翅以猗猗路喬如
鶴賦

紺絡頸而成飾頰點首以表儀羽凝素而雪映尾舒玄

而參差趾象蚪以振步形亞鳳以擅奇宋臨川
王前題

鍾浮曠之藻質抱清迥之明心指蓬壺而翻浪望崑閬
 而揚音匝日域以馳驚窮天步而高尋晴含丹而星曜
 頂凝紫而烟華引員吭之織腕頓修趾之洪榜疊霜毛
 而弄影振玉羽而臨霞唳清響於丹墀舞飛容於金閣
 始連軒以鳳踏終宛轉而龍躍鮑照舞鶴賦
 同李陵之入胡滿目異類似屈原之在楚衆人皆醉慘
 淡無色低徊不平每戒比之匪人常耻獨爲君子皇甫湜鶴

處鷄羣賦

九臯遙集三山迥歸華亭別淚洛浦仙飛籠摧月羽弋
 碎霜衣南遊湘水東入遼城雲飛欲舞露落先鳴松上

長悲渠中丞別庾信鶴贊

丹腦火綴白翎雪開遼水一去緱山不迴當白晝下與

紫雲偕白居易前題

戴翠旄以表弁垂綠蕤之森纒鱗交綺錯文藻陸離丹
 口金輔玄目素規鍾會孔雀賦

過雲夢以娛遊投淮湘而中憇晝顧眺以候遠夜警循
 而相衛成公綏鴻雁賦

昔年春去愛洲渚之芳菲今日秋來值關山之搖落憶
 紫塞之年盡怨青樓之夜虛趙勵秋鴻賦

雲隨竹動月共水明從風兮前侶駛帶暗兮後羣驚帛

久兮書字滅蘆東兮斷街輕陳後主夜亭度雁賦

禽飛於青冥之際箭發於倏忽之間一聲劈雲雙翼墜

地今孤楚進射雁歌表

羽族之中雖彼眾而我寡雲路之上如特立而獨行弘楊

真一鷄賦

雉兒質而不漏翟表文而弗華映寒條之始綠發冬秀

之餘施王淑之翟雉賦

應炎離之誕育包造化之純精鮮光皎燦麗采繁盈純傳

雉賦

夕辭南土形迷夜月之光曉向北風影混朝霜之色謝觀

白雉賦

候律南徂洞庭之芳草猶綠順時北向上林之繁花已

春潘岳射雉賦

夏翟秋飛江輦春潤中牟縣之客遂得坐觀賈大夫之

妻已應含笑仰費中厨來供下客山川道遠口腹知恩

庾信謝雉啟

體金精之妙質含火德之明輝性辯慧而能言心聰明

而識機紺趾丹嘴綠衣翠衿采采麗容咬咬好音彌衡鸚鵡賦

賦

抱振鷺之素質被翠羽之縹精陳琳前題

被光曜之鮮羽流玄黃之華郎秋風厲而潛形蒼神發

而動翼應瑒前題

被坤文之黃色服離光之朱形阮瑀前題

奇毛曜體綠彩含英鳳翔鸞蹄孔質翠榮傅玄前題

丹喙翠尾綠翼紫頸秋敷其色春耀其榮左九嬪前題

喙前鈎而趨步翼高舞而翩翩足若丹而三布目如金

而雙圓梁昭明前題

華景夕映容光晦鮮審國音於寰中達芳聲於裔表雲

移霞峙霞委雪翻陸離聳漸容裔鴻軒躍林飛岫煥若

輕電溢烟門集場棲圃擘若天桃被玉園月圖光於綠

水雲寫影於青林遡還風而聳翮霑清露而調音謝莊赤鸚

鸚鵡賦

稟儀素域繼體寒門貌履玄而被潔性既養而亦溫往

奇秘於鬼服來克美於華京顏延之白鸚鵡賦

同朱喙之清音變綠衣於素彩偶白鸚於池側對皓鶴

於庭隅愁混色而難辨每知名而自呼王維前題

左看若側右視如傾雄姿逸世逸氣橫生傅玄鷹賦

疏尾濶臆高鬢禿顙風霜激厲羽毛振驚下赴幽谿上

翔辰極孫楚前題

資金方之猛氣擅火德之炎精貌非一種相乃多途指

重十字尾貴合盧立如植木望似愁胡嘴同利劍脚等
 荆枯亦有白如散花赤如點血大文如錦細斑似纈眼
 類明珠毛猶霜雪身重若金爪剛如鐵或復頂平似削
 頭圓如卵臆濶頸長筋粗脰短翅厚羽勁髀寬肉緩求
 之事用俱為絕伴或似鶉頭或似鷄首赤精黃足細骨
 小肘懶而易驚姦而難誘佳不可呼飛不及走厠門忌
 大結肚惡軟絛不欲絕背不宜喘生於窟者則好伏巢
 於木者則常立雙骸長者則起遲六翮短者則飛急二
 周作鵠子曰成蒼雌則體大雄則形小遇犬則驚猜得
 人則馴擾養雛則少病野羅則多巧察之為易調之實
 難格必高迥屋必華寬薑以取熱酒以排寒鞫須溫煖
 肉不陳乾近之令狎靜之使安晝不離手夜便火宿微
 加其毛少減其肉肌羸腸瘦心和性熟念絕雲霄志在

馳逐

魏彦深前題

鈎成利嘴電轉奇眸蒼姿墨色玄距聯鞫寒光送曉霜

氣橫秋

高適蒼鷹賦

乍逐翻空出君門而不返遙憐厲吻過宮樹而猶驚

張

放籠鷹賦

降居擅澤高處保岑遊不同嶺棲必擇林翻雄駭逝孤
 雌驚翔長鳴挑敵鼓翼專場踰高越壑雙不隻僵

曹植鵝賦

鳥攫之黨罷鈔盜而潛飛梟怪之群想英靈而遽墜晨

飛絕壑暮起長汀置巢截巢養子青冥杜甫鵬賦

彩必玄素文不綺斑情莽眇以耿潔貌軒昂以安閑遊

必海裔棲必雲間蕭穎士白鵬賦

起彼高林集此叢灌續紛霧集迴星塵亂來若雨集去

如雲散哀鳴日夕鼓翼昧且噫啞相和音聲可玩成公綏鳥賦

望絕侶於夕霞聽翔羣於月曉既滅志於雲霄遂甘心

於園沼搶榆決至觸案窮歸同鷄峙而共宿啄雁稗以

爭肥豈能瑞周德而丹羽感燕悲而素暉何遜窮鳥賦

出林而日華亂動繞樹而月影相鮮孟簡白鳥賦

東海輸禽乍改黔質西山度羽或變蒼精無令赤鳳留

止偏為瘞玉之歌玄鶴徘徊獨擅銜珠之舞庾信進蒼鳥表

遠降日輪近巢天宇據北辰而永固豈南飛以遠枝楊譚

進孝鳥頌表

布窠巢之列列孕子敷之嚶嚶頡頏水涓下上雲際斗

建午而於指日在戊而後尅盧諶燕賦

街泥構巢營居傅楠拾柔草以自藉採懦毛以為葺夏侯

湛玄鳥賦

真河未足方其美繞樹無以儷其珍綠衣翠衿羞言辯

長奇頁集

慧藻翰錦臆憚稱奇偉李嶠賦

拂曙聲多排空意遠陳仲師前題

光同朱鳳色類丹鳥降火飛精似火公車之府流金成

製若上凌雲之臺庾信進赤雀表

手飛武帳來賀文槐刷彩青蒲將翱赤屬玉几朝御取

褰軒楯之間金門旦開兼留翬翟之鑒許善心神雀頌

形鳳婉而鵠時羽哀蔚而暉臨綠湍而映藻傍青崖

兩妍飛臨川王山鳥賦

集茂樹之陰蔚登弱林以容與體郁郁以敷文音邕邕

而有序傅咸班鳩賦

飛不飄颺翔不翕習巢林不過一枝每食不過數粒張華

賦 鷓鴣

偶來池館非意稻梁喬林鷓鴣賦

晒城鳥之夜噪向曙仍啼歎野鶴之秋鳴在陰常慘張仲

素反舌無聲賦

鴻志非燕鶴羣豈鷄高郢獨鳥賦

備寶帳之光儀登美女之麗飾雜白玉以成文糝紫金

而為色專妙采於五都擅精華於八極江淹翡翠賦

朝飛綠岸夕歸丹嶼顧落日而傷吟追清風而雙舉時

排荇蒨乍拂菱華始臨涯而作影遂感水而生花簡文鸞

賦

勝林鳥之同心邁池魚之比目萍隨流而傳岸網因風

而綴花魂上相思之樹文生新市之機元帝前題

弄吮浮沉輕軀灑灑拂荇戲而波散排荷翻而水落徐陵

前題

鸞頸龜背戴玄珥白斑毛頰膺駁羽朱腋青不專紺纒

不擅赤巧態多姿調節柔骨一低一昂乍浮乍沒虞鵠

賦

飲二芝之淳露食六草之英芳似金沙之符采同錦質

之報章紅毛覆臆翠鬣垂心浴波泳渚浮廣戲深臨高

舞翮映淺弄音逐餘暉而顧景乘清吹而微吟簡文前題

值汗則止遇澤則遊隨風騰起與濤迴旋沈窠則足撥

圓波浮泳則臆排微漣張望鸞鶴賦

服文藻之華羽備豔采之翠英冠葩綠以曜首綴素色

以點纓性浮捷以輕燥聲清響而好鳴蔡洪門

避參差之荇菜隨菡萏之落花駐江妃之往棹留海客

之歸槎李邕關

形類沈文經符陶記晉臣羞筮吳巫未占復有背如車

蓋胸垂却月口疑犀變脚似魚懸出九芝之池去千金

之沼劉孝儀謝

玄羽黜而含曜素毛頽而揚精紅縹厠於微黃翠彩蔚而流青前看如倒傍視如傾目象規作嘴似削成高膺峭峙雙翅齊平爪如鍊鋼目如奔星揚翹因風撫翮長鳴躑躅踟躕嚼喋容與或控地俯仰或撫翼未舉或狼顧鴟視或鸞翔鵠舞或佯背而引敵或畢命於強禦得勢者凌九天失據者淪九地距不虛挂翮不徒拊意如

饑鷹勢如逸虎傅玄 鷄賦

瞑目電曜發聲雷響拉虎吞貔裂犀分象碎隨兜於斷

齧握巴蛇於指掌踐藉則林麓摧殘哮呼則江河震蕩

虞世南 獅子賦

獻我令辰自林邑而來者稽諸舊史在成康而紀之杜甫

越人獻 馴象賦

以君好生之故我身必壽以君賤貨之故我齒斯存杜

馴象 賦

館有射熊之名臺無走狗之號上林絕胡人之搏禁地

無張京之犯突出羽川來攀御檻光踰厚壁殆感朱公

之價色麗燭銀將堪穆王之寶劉孝威 謝

素毳皇采霜毫應圖虞世南 白鹿賦

瑞表丹陵祥因舊沛四靈可邁旣驗玉衡之精千歲變

采有符明月之狀豈殊丹岫之羽來止帝梧庶比素質

之禽得遊君囿

簡文上
白兔表

光鮮越雉色麗秦狐月德符徵金精表瑞

庾信
前題

動不踐地居常在林霧嵐昏而共默風雨霽而爭吟歷

千尋之喬木俯萬仞之危嶠弄遊雲之亂飛嬉落日之

橫照連肱瀾飲命侶烟嘯

吳筠玄
猿賦

徹三聲於谷靜藏萬影於山重

李子仞
馴猿賦

向日而疑將奮影臨風而狀若長鳴

武少儀
試金馬賦

竦身輕足高顙露睛氣猛聲烈步遠視明著獻西苑表

德東京價傾函夏觀竭都城飾金鏤之倏爍揚玉鑿之

玲瓏

劉義恭
白馬賦

雙瞳夾鏡兩權協月異體峰生殊相逸發寶駿星纏鏤

章霞布歛聳擢以鴻驚時濩略而龍翥分馳迴場角壯

永埒經玄蹄而電散歷素支而冰裂

顏延之
赭白馬賦

始徘徊而龍俛終沃若而鸞眄迎調露於飛鐘起承雲

於驚箭寫秦垌之躡塵狀吳門之曳練朝送日於西坂

夕歸風於北都尋瓊宮於倏瞬望銀臺於須臾

謝莊
舞馬賦

奔電無以追其蹤逸羽不能企其足狀若騰虬而登紫

霄目似晨景之駭扶木於是抗孫陽之轡彎繁弱之弓

輕足鬱其雲合妙手於焉爭雄

曹昆
馬射賦

梢星之旗逮於前步彗雲之施設於後車吉行三十而

當息良馬千里而焉如杜洩郤千里馬賦

曰精按轡天駟橫行應策騰空承聲入漢足輕雪影神

發天機唐太宗六馬贊

魚目瘦腦龍文長身雪垂白肉風感蘭筋瞻彼駿骨實

維龍媒杜甫畫馬贊

暉煜金鑣陸離寶勒王良不能控其衡策伯樂不能辨

其文機簡文馬寶頌

白驥朱文綠虵紫燕水軼驚鳧陸越飛箭遇山為風值

雲成電顏延之天馬賦

照地迴光瞻天送影長亭欲別未期東道而來雙闕儻

嘶願附北風之思李商隱謝借馬狀

頸昂昂而鳳顧尾宛宛以虵蟠遠齊飛兔之名上奉應

龍之馭令狐楚選駒賦

取方麟友自匹龍媒不待景公婉如齊畫無勞馬援翻

等漢銅滅沒黑龍連翩白馬元帝謝馬啟

連翩絕景沃若追風超渥水之形踰大宛之狀鄧陵王前題

出自北冀來從東道舞越兩驂驅同八駿循坂且厲無

復良樂之鳴長楸可走不假幽并之策劉孝儀前題

柳谷未開翻逢紫燕臨源猶遠忽見桃花流霞華光浮

雲連影張做畫眉之暇直走章華王濟飲酒之歡長驅

金埒庾信前題

邊城無草來自東南塞外饒沙經從西北漢時樂府偏

愛權奇晉世桑門特憐神駿黃金作勒足渡西河白玉

為鐙方傳南國倘逢漢帝仍駕鼓車若值魏王應驚香

氣王褒前題

經過燕館將耀於鳴騶夢寐梁園只思於飛鞚李商隱前題

名重桂條形圖柳谷襄陽地穴近求未易滇池水裏遠

想猶難價匹龍媒聲齊驥子河精曜采似伏波之鑄銅

震象飛文笑東瀛之刻玉控斯銀勒利此金銜鞍揭鏤

衢光含兩月纏紫縷色麗雙絲元帝答雙馬書

泰山怒特吳渚神牛氣噓風噴精迴電流詎牽和鞅不

入裴鞅朗陵榮角介葛瞻聲仇覽獻豆媵嬰進芻曹興

拂采徐邈成圖劉孝威書牛畫贊

色似秘府之書毛類陳王之玉驂角未奇瑩蹄非貴元帝

謝蒸粟牛啟

蜀守神牛秦公怒特穆王白角何氏瑩蹄直宿九重獲

免疏步路休三逕且息徒行從祀甘泉方無假於丞相

騎至清廟又求笑於博陽劉孝儀謝牛書

白腹見珍度遼東之水赤欄為重對襄陽之城孫弘牧

於淄水唯以求錢卜式養於上林豈知其味庾信謝齊猪啟

距實排虛巢居穴處唯飲噬於山澤悉潛決於林籓或
 處野而隔陰山或同穴而鄰蟠冢或飲河而求飽腹或
 喻烟而遊森聳淮南輕舉遂嘔腸而莫追東阿體拘徒
 稱仙而被譴鬚似麥穗半垂眼如豆角中劈耳類槐葉
 初生尾若杯酒餘瀝盜干湯之珍俎傾留髡之香澤傷
 繡領之斜製毀羅衣之重襲曹舒由是獻規張湯爲之

被謫 盧元明劇鼠賦

應節合義象德效仁紆體繫縈摛藻布文青耀章采雕
 琢璘玢燥若羅星蔚若翠雲光鳥奕以外照水清景而
 內分 劉劭龍瑞賦

翩翩素翼矯矯白鱗異彩霜封靈姿雪凜微鄴城之故

事若下神祠探吳郡之遺塵疑過象穴 崔融賀白龍見表

騰躍波濤蜿蜒江漢漢武飲羽欣飛壘斷 郭璞蛟贊

夔稱一足蛇則二首少不知無多不覺有雖資天然無

異駢拇 前人枳首蛇贊

飛不須翼行不假足上騰雲霄下遊山嶽 傅玄靈蛇銘

極浦風霽澄潭月虛鮮鱗繚繞聚沫紆徐或存鮫人之

室或過陵鯉之居 李夷亮魚在藻賦

醴水朝浮光疑朱鼈文鯉夜觸翼似青鸞波瀾成雨鱗

甲防寒翻驚河伯獨不受人足笑任公終年垂釣 庾信謝乾

魚啟

下夷方以則地上規隆而法天懼沈泥之逢殆赴芳蓮

以巢居曹植神龜賦

玄蔡赤文來表軒黃之政神龜青純用顯姬公之德出

自江安實荷謙夷之慶甲生毳羽寧非銷謫之徵劉孝儀上

毛龜表

玄甲應於姬渚青髯苻於夏室翱翔卷耳之陰浮游蓮

葉之上藏采千載獻狀一朝寶瑞聞圖珍祥映牒丘遲謝示

毛龜表

影含四靈光分五色懷星拖月負字銜圖江總上毛龜啟

棲居多逼出處寡便尾不副首足不運身朝戲蘭渚夕

息中塘越高波以燕逸竄洪流而潛藏咀惠蘭之芳荻

霧華藕之垂房陸機賦

與月盈虧協氣晦望郭璞蚌贊

船俗嚴戈漁人資設於彼海童冒茲水豹望樓闕之氣

得波潮之下徐陵謝蛤蜊啟

車螯味高食部名陳物志蛤蜊聲重前論見珍若士並

東海波臣西王母藥雀文始化燕羽猶在體潤珠胎形

隨月減元帝謝車螯蛤蜊啟

比文豹而無恤方珠蛤而自寧冀湖濤之蔽迹願洲渚

以淪形江淹石

融風被而來遊商颺厲而化往曹大家

振修綏以表首舒輕翅而迅翰陸雲

饑喻晨風渴飲朝露温嶠

忽神蛻而靈變奮輕翼之浮征翳密葉之重蔭噪閑樹

之肅清傅玄

始蕭瑟以攢吟終嬋媛而孤引越客發度漳之歌代馬

懷首燕之信顏延之

吟遠樹於荒郊思盈秋野噪寒花於別浦韻遠晴江左

賦蟬蛻

潛蛻棄穢飲露恒鮮郭璞

翔太陽之玄昧抱夜光以清遊類若飛電之宵逝誓似

移星之雲流潘岳

乍依欄而回亮或傍牖而舒光忽翔飛而暫隱時凌空

而更颺竹依牕而度影蘭因風而送香類乾沙之飛火

若清漢之流星入玄夜而光淨出明燈而色幽時臨池

而泛影與列宿而俱浮蕭和

青松冠谷赤蘿綉嶺無花不纏無陣不省吮瓊液於懸

峰吸赧津乎晨景廻鶩林篁經營堂窟繁布金房疊構

玉室散似甘露凝如割肪冰鮮玉潤髓滑蘭香郭璞

南連大廡北接華堂左馮廣厦右依高廊吐絲屬絡布

網引網織羅落莫綺錯交張

成公綬蜘蛛賦

績不待筐固無求於蟹結而成網若有羨於魚

賈餗前題

尋喬木而上綴從蔓草而下垂戢翼鷹峙延頸鵠望推

翳徐翹舉斧高抗鳥伏蛇騰鶴擊隼放

成公綬螳螂賦

翔無常宅集無定棲因温風以舒散乘游氣以徘徊燭

耀庭宇燈明幽房紛紛羣飛翩翩來翔赴烈焰而體焦

投煎膏而身亡

支曇諦火蛾

凌焦烟之浮景赴熙燄之明光

鮑照飛蛾賦



笑鄧攸之輩無兒絕其天性若何晏之為假子養在公

律